


第廿一  
劍南詩鈔

一十一

柳田文庫  
文庫11  
D 156  
21





文庫 11  
D 156  
21

讀書乃一癖我亦不自知坐書窮至老更欲傳吾兒吾兒  
復當傳百世以為期君看北山公太行尚可移  
爵祿九鼎重名義一羽輕人見其如此吾道何由行湖山  
有一士無人知姓名時時風月夕遙聞清嘯聲

陳阜卿先生為兩浙轉運司考試官時秦丞相孫以

右文殿脩撰來就試直欲首送阜卿得予文卷擢

置第一秦氏大怒予明年既顯黜先生亦幾陷危

機偶秦公薨遂已予晚歲料理故書得先生手帖

追感平答作長句以識其事不知哀涕之集也

冀北當年若莫分斯人一顧每空羣國家科第與風漢天

下英雄惟恐君後進何人知大老橫流無地寄斯文自

衰鈍竊以負猶竊虛名海內聞



010190554258

48-12192



置身事外思吾黥獨卧空堂一榻橫  
簷影漸移知日轉樹梢微動覺月生  
每從山寺開經帙間就園公辨藥名  
若論胸中淡無事八珍何得望藜藿

五鼓起坐待旦

睡覺初聞鷄一鳴披衣危坐待窗明  
殘軀已向閑中老癡夢猶尋熟處行  
南北迢迢悲往事古今莽莽歎浮生  
伯倫一鋪君休笑冢象祁連亦已平

遣興

湖海元為汗漫游誤恩四領慢亭秋  
掃空薄祿始無媿閉上衡門那得愁  
湯嫩雪濤翻茗椀火溫香縷上衣篝  
牀頭亦有閑書卷信手拈來倦即休

書齋壁

平生憂患苦縈纏菱刺磨成茨實園  
俗謂困折多者謂天菱角磨作鷄頭  
下不知誰竟是古來惟有醉差賢  
過堂未悟鐘將響曉柱寧知壁偶全  
自笑為農行沒世尚知驚雁落空弦

無酒歎

不用塞黃河不用出周鼎但願酒滿家  
日夜醉不醒不用冠如箕不用印如斗  
但願身強健朝暮常飲酒造物不少  
怨虐戲逐段新坐令古銅槥經月常生  
塵平生得酒狂無敵百幅淋漓風雨疾  
造物欲以醒困之此老醒狂君未知

舟中

沙路時晴雨漁舟日往來村村皆畫本  
處處有詩材炊黍孤煙晚呼牛一笛哀  
終身看不厭岸曠興悠哉



秋晚

木落寺樓出。江平沙渚生。牛羊下殘照。鼓角動高城。寒至衣猶質。憂多夢自驚。羣方鬪穴河。渭幾時清。

西窗獨酌

却掃衡門歲月深。殘骸况復病交侵。平生所學爲何事。後世有人知此心。水落枯萍黏破塊。霜高丹葉照橫林。一樽濁酒西窗下。安得無功與共斟。

種蔬

老翁老去尚何言。除却翻書卽灌園。處處移蔬藥。小雨時時拾礫繞頽垣。江鄉地暖根常茂。旱歲蟲生葉未繁。四壁愈空冬祭近。更催穉子牧鷄豚。

新治暖室

小堂穩暖紙窗明。低幌圍爐亦已成。日閱藏經忘歲月。時臨閣帖雜直行。詩才退後愁酣戰。酒量衰來喜細傾。從此過冬那復事。夜深時聽雪來聲。

歲晚

無窮世事浩難量。歲晚沉綿臥草堂。短褐坼圖移曲折。故書經蠹失偏傍。賣刀擬買春耕犢。挾筴曾忘舊牧羊。點檢生涯還自笑。菜畦殘葉帶新霜。吳中冬蔬常茂

齋中弄筆偶書示子聿

左右琴樽靜不譁。放翁新作老生涯。焚香細讀斜川集。候火新烹顧渚茶。書爲半酣差近古。詩雖苦息未名家。一窗殘日呼愁起。裊裊江城咽暮笳。

新籬



新籬三面北通門，藤架陰中細路分。天雨淡青成卵色，水波微皺作靴紋。參差村舍穿林出，縹渺漁歌隔浦聞。忽覺楚鄉來眼底，欲題幽句弔湘君。

村興

身老交情見孫生，口數漆園丁。上牛米村婢，博蚕鹽拒牧。堆盤白饅饌，出釜甜閉門。君勿訪衰病，正相兼。

小圃獨酌

少時裘馬競豪華，豈料今爲老圃家。數點霏微社公雨，兩叢閒淡女郎花。詩成枕上常難記，酒滿街頭却易賒。自笑邇來能用短，只將獨醉作生涯。

春日

方池潏潏碧波平，曲徑纖纖細草生。席地曠天君但醉，苦

無多日是清明。

雪山萬疊看不厭，雪盡山青又一奇。今代江南無畫手，矮巖移入放翁詩。

怕見公卿嬾入城，野橋孤店跨驢行。天公遣足看山願，白盡髭鬚却眼明。

新晴野步

吹盡浮雲旋作晴，郊原高下水縱橫。煙蕪漫漫如添色，谷鳥關關已變聲。迨酒賤時須痛飲，得人扶處儘閒行。隔湖遙指蘭亭路，鄰叟追隨羨眼明。

夜行過一大姓家，值其樂飲，戲作

村豪聚飲自相歡，燈火歌呼闌夜闌。醉飽要勝飢欲死，看渠也復面團團。



貧甚賣常用酒杯作詩自戲

桃李成塵渾不數，海棠也作胭脂雨。清明未到春已空，枝上流鶯替人語。逢春日日合醉歸，莫笑典衣窮杜甫。生時不肖燒舌本，死後空持醅墳土。門前三百里湖光，天與先生作醉鄉。銀杯羽化不須歎，多錢使人生窟郎。

東園小飲

乞得殘骸老故山，草亭終日對孱顏。孤雲百尺起江際，幽鳥數聲鳴竹間。衆死一身今獨健，人忙萬物本常閒。此心欲語知誰聽，賴有漁樵日往還。

龜堂晚興

九日春陰一日晴，回塘閒院愜幽情。小魚出承圓紋見，輕燕穿簾折勢成。今日揜關真供老，向來涉世亦遺民。巡簷

更有欣然處，新筍初抽四五莖。

齋中雜興十首以丈夫貴壯健慘戚非朱顏爲韻

成童入鄉校，諸老席函丈。堂堂韓有功，英槩今可想。從父有彥遠，早以直自養。始終臨川學，力守非有黨。紛紛名它師，有此在其類。二公生氣存，千載可良仰。

士生學六經，是爲聖人徒。處當師顏原，出當致唐虞。斯文陣堂堂，臨敵獨援袍。異端滿天下，一掃可使無。乃知立事功，先要定規模。彼雖力移山，安能奪匹夫。

公議在天下，如人有元氣。平居失護養，一旦可勝諱。神丹卒難求，百疾起如蝟。奄奄息僅屬，熟視吁可畏。大義在春秋，遺跡悲漢魏。君看徐孺子，底物視富貴。

替我自蜀歸，耆舊已凋喪。後來二三公，尚慰天下望。千里



一紙書殷勳問亡恙嗚呼亦已矣遺語寄悲愴我亦迫桑榆便恐無輩行夜窗對青燈力憊心尚壯

餘齡垂八十雖憊猶強飯正如老病馬風沙時一噴玉關

恥何許道里何啻萬目中喉歷歷欲進不能寸矯首望秋空徒羨霜鶻健葬骨亦何悲吾非麒麟植

琅琅誦詩書尚記兩髦髡誰料七十年沉滯終坎窞炊突映茅廬日暮煙慘慘忍窮端已熟撫事空自感狂言悔噬臍眾皆驚破膽尚有愛書心還如嗜菖歎

去國已酉冬忽見十頌曆衰殘口雨齒困阨家四壁時看溪雲生飽聽簷雨滴悠然度寒暑何處著欣戚幽人豈知我月夕聞吹笛何當五百歲相與摩銅狄

湖中風月佳時每聞笛聲甚莫知何人意其隱君子也

扁舟東下映日月去若飛當時筆硯舊久已晨星稀俊逸如伯渾簡語如知幾天高鬼神惡回首萬事非我欲沂黃牛買屋居青衣九原不可作哀哉誰與歸

荷鉏艸堂東藝花二百株春風一朝來白白兼朱朱南列紅薇屏北界綠芋區偃蹇雙松老森聳萬竹隳餘地不忍第挿援引瓠壺何當拂東綉畫作山園圖

閒居寂無客柴門晝常關孤舟小於葉放浪煙水間樹暗楊梅村露下白蓮灣釣魚樵風溼買酒石帆山向來支許輩恐亦無此閒道逢若耶叟握手開蒼顏

### 觀畫山水

古北安西志未酬人間隨處送悠悠騎驢白帝城邊雨挂席黃陵廟外秋大綱截江魚可膾高樓臨路酒如油老來



無復當年快聊對丹青作卧遊

讀蘇叔黨汝州北山雜詩次其韻

暑耘日炙背寒耕泥沒脚衆人占膏腴我獨治磽确力盡  
功未見厥土但如昨豈惟空糠粃直恐轉溝壑今年雨暘  
時天如相耕穫屋傾未暇且復補籬落  
祠官粟一囊不贍軀七尺萬年蒙寬恩例許乞骸骨聯翩  
三兒子俱作鶴雀碧賦祿雖尚遠亦足慰衰白幅巾茆簷  
下稱病謝來客從今門前路永掃車馬跡  
德孫秀眉宇慨然修初服枯腸貯詩書十飯九不肉成童  
將覓舉想見袍立鵠先澤儻未衰豈無五秉粟汝能記吾  
言併以告阿福閉門勿雜交一經萬事足

枕上作

蕭蕭白髮卧扁舟死盡中朝舊輩流萬里關河孤枕夢  
更風雨四山秋鄭虔自笑窮耽酒李廣何妨老不侯猶有  
少年風味在吳牋著句寫清愁

示友

道向虛中得文從實處工凌空一鷲上赴海百川東氣骨  
真當勉規模不必同人生易衰老君等勿怱怱

開東關路北至山脚因治路傍隙地雜植花草

清溝東畔翦蓁菅雖設柴門盡日關遠引寒泉成碧沼稍  
通密竹露青山幽花泣露開仍落好鳥穿林去復還更  
橫岡吾所愛小兒試覓屋三間

父子追隨一笑傾東園東畔路初成夾栽芳草如繩直前  
出籬門似砥平春近野梅香欲動雨餘溝水細無聲今朝



有喜誰能識不用人扶亦自行

病眼逢人每嬾開正須此地洗氛埃數枝梅向林梢出一  
脉泉從嶺背來藤杖有時緣石磴風爐隨處置茶杯殘軀  
自笑如春草又喜天邊斗柄回

連日治圃至山亭又作五字

好竹千竿翠新泉一勺冰殘蕪襯落日老木上寒藤細磴  
欹難過危欄曲可憑歸時忽已暮點點數漁燈

歲暮書懷

世事從來不可常把茆猶幸得淡藏牀頭酒瓮寒難熟瓶  
裏梅花夜更香薄命元知等蟬翼畏途何處不羊腸詩成  
讀罷仍無用聊滿山家骨董囊

初春感事

馬跡連聲是處忙經旬無客到龜堂水初泛溢黏天綠  
欲飄零特地香世事紛紛人自老歲華冉冉日初長百錢  
不辦旗亭醉空愛鵝兒似酒黃

先少師宣和初有贈晁公以道詩云奴愛才如蕭穎

士婢知詩似鄭康成晁公大愛賞今逸全篇偶讀

晁公文集泣而足之

士不逢時勇退耕閉門自號景迂生遠聞佳士輒心許老  
見異書猶眼明奴愛才如蕭穎士婢知詩似鄭康成早孤  
遇事偏多感欲續殘章涕已傾

追感往事

諸公可歎善謀身誤國當時豈一秦不望夷吾出江左新  
亭對泣亦無人



紹興辛酉子年十七矣距今已六十年追感舊事作

絕句

常憶初年十七時朝朝烏帽出從師與許子威輩同從鮑季和先生長與必具

帽帶而出忽逢寒食停供課正寫礬書作贖碑

雨晴風日絕佳徒倚門外

茶釀無端廢午眠杖藜信步到門前青裙溪女結蠶卦白

髮廟巫催社錢

章老三年病方死吳翁一夕呼不醒獨有此身頑似鐵倚

春遊

門常看莫山青章吳皆鄉人以去冬死  
春風隄上草萋萋草軟沙平護馬蹄似葢微雲纒障日如  
絲小雨不成泥千秋觀裏逢新燕九里山前聽午鷄追憶

舊遊愁滿眼綠船曾繫酒橋西

春雨

狼藉殘花滿地紅擁衾孤夢雨聲中人生十事九堪歎春  
色三分二已空但有老盆傾濁酒不辭衰鬢對青銅長貧  
博得身強健久矣無心咎化工

藥爐茶竈淡生涯聽雨猶能惜物華蘸岸頓添三尺水沾  
泥不貸一城花聞摩病眼開書卷時傍危欄弄釣車稚子  
孤行八千里喜聞炊熟可還家家僅自行在來報子布案食前可到家唐人以此寒食前一日為炊熟

自笑平生嬾是真閉門高枕動兼旬海棠千片已隨水杜  
宇一聲無復春綠酒盈樽足忘老朱櫻上市正嘗新今朝  
雨止通溪路又向沙頭岸幅巾



三月十六日至柯橋迎子布東還

江國常年秋鴈飛，吾兒遠客寄書歸。道途一見相持泣，鄰曲乘觀同載歸。草草杯盤更起舞，匆匆刀尺旋裁衣。從今父子茆簷下，回首人間萬事非。

我似傷禽帶箭飛，更憐汝作鴈行稀。異時恐抱終身恨，此日寧甘徒步歸。萬里外應勞遠夢，三年前已挂朝衣。斷編蠹簡相從老，絕念功名亦未非。

初夏野興

扇墮巾欹午夢回，鳴鳩又喚雨絲來。數行楮帖臨窗學，一卷陶詩傍枕開。糠火就林煨苦筍，露晞沉井漬青梅。艾人行復巍然出，老大難堪節物催。

衡門

曲徑衡門短短籬，槐楸陰裏倚筇枝。老來百事不入眼，惟愛青山如舊時。

朝飢示子聿

水雲滾處小茆茨，雷動空腸慣忍飢。外物不移方是學，俗人猶愛未為詩。生逢昭代雖虛過，死見先親幸有辭。八十到頭終強項，欲將衣鉢付吾兒。

晨興

小雨過郊墟，晨興一事無。殘榴重結實，新燕續生雛。書細猶能讀，行遲漸要扶。蔬畦恐蕪沒，且復課僮奴。

西村

亂山深處小桃源，往歲求漿憶叩門。高柳簇橋初轉馬，數家臨水自成村。茂林風送幽禽語，壞壁苔侵醉墨痕。一首



清詩記今夕細雲新月耿黃昏

放歌行

少年不知老境惡意謂長如少年樂朝歌夜舞狂不休  
逢人欲覓長生藥三二十年底難過屈指朋儕餘幾箇  
就令未死身日衰朱顏已去誰能那人間萬事如奕棊  
我亦曾經少壯時兒曹紛紛不須按歲月推遷渠自知

閉戶

收身歸死鏡湖傍閉戶悠悠白日長  
巷僻斷非容駟路腸枯那有蹴蔬羊  
書生正可蹈東溟世事漫思移太行  
嗟起不知天早暮坐看螢度篆盤香

長飢

病卧窮閭負聖時本來吾道合長沈  
朝不足夕未妨樂死

何如生行自知早年休學仗下馬  
末路幸似泥中龜煙波一葉會當逝  
吹笛高人有素期

山齋書事

山榴子結又重開巢燕雛飛却續回  
燕有三生雛乃去者雨足人哇  
千頃稻日長風舞一庭槐浩歌縱酒  
愁仍在作意觀書睡已來常恨流年  
不相貸若爲更著算蟬催

晚至新塘

青鞵隨意出柴荆聊向南唐曳杖行  
歸鳥已從煙際沒斷虹猶在柳梢明  
城頭層塔凌空立浦口孤舟竝岸橫  
向道有詩渾不信爲君擁鼻作吳聲

早秋南堂夜興

水注橫塘藻荇香候蟲唧唧滿空廊  
風前落葉紛可掃天



際疎星森有芒，夜漏漸長愁少睡。秋衣未製怯新涼，明朝知有欣然處，寫得黃庭又幾行。

新涼書懷

藥物扶持病少蘇，殘年不恨老菰蘆。潦收溪棹魚爭售，歲樂村場酒易沽。無日檀林無墜葉，楡木自夏至秋日有時有落葉不可勝掃燕戶有新雛。今年燕屢生雛七月望猶未止秋風礫起扁舟興，安得州家復鏡湖。

鄰曲今年又有年，垂髻戴白各欣然。先輸官廩無逋賦，共

賽神祠有社錢，退傅寄聲情續密。連得周丞相晦翁入夢

語蟬聯。昨夕夢朱元瞻其款燈前細與兒曹說，盡簡猶堪數世傳。

燒香

寶熏清夜起氤氳，寂寂中庭伴月痕。小斲海沉非弄水，旋

開山麝取當門，蜜房割處春方半。花露收時日未暝，安得故人同晤語，一燈相對看雲屯。

枕上

呼兒初夜上門關，怕冷貪眠自笑孱。月色橫分窗一半，秋聲正在樹中間。算年不復樽前樂，浮世無如枕上閒。鍊句未安姑棄置，明朝追記尚斑斑。

山園書觸目

山近雲生易，人稀鳥下頻。瘦篁穿石竅，古蔓絡松身。熟摘巖邊果，乾收澗底薪。經過不相識，喚作避秦人。

村舍

篠屋楓林下，山中人以篠覆舍厚密過干茅柴門芡浦旁。先鳴雞膈膊，徐上日蒼涼。風藥貧寧輟，觀書老有常。仍須教童穉，世世力

擬

新

新



耕桑

生理嗟彌薄，吾居久未完。蝶飛窗紙碎，龜坼壁泥乾。小雨牛欄溼，微霜碓舍寒。晚禾蟲獨少，鄰里共相寬。今年晚禾解獨免

對食戲詠

一飽欣逢歲小穰，時憑野餉誑枯腸。橙黃出日金華美，菰脆供盤玉片香。客送輪囷霜後蟹，僧分磊落社前薑。秋來幸是身強健，聊為佳時舉一觴。

懷昔

偶住人間日月長，細思方覺少年狂。衆中論事歸多悔，醉後題詩醒已忘。鼯作鯨吞吁莫測，谷堙山墜浩難量。老來境界全非昨，臥看縈簾一縷香。

賽神

歲熟鄉鄰樂，辰良祭賽多。荒園拋鬼飯，高杙置神鵝。神鵝村人神之牲日人散叢祠寂，巫歸醉臉酡。飢鴉更堪笑，鳴噪下庭柯。

小立

紅樹圓廬晚碧花，籬落秋荒陂船護鴨。斷岸笛呼牛，酒賤村村醉。山寒寺寺幽，聊須岸鳥憤。小立埭西頭。

秋晚湖上

已過西成賽廟期，家家下麥不容遲。夕陽遍野人歸後，秋水生灘鷺集時。寒不洽懷抱惡，好詩空益髣髴衰。從來未識蘇司業，愁絕西風滿酒旗。

明日又至山園天微陰再賦

初言詩少

八十一



河岸風檣遠村波牧笛長短籬圍鹿眼幽徑繫羊腸照水  
鬚眉見槎橙指爪香衣裘又關念礎杵滿斜陽

不寐

麗譙聽盡短長更幽夢無端故不成寒雨似從心上滴孤  
燈偏向枕邊明讀書有味身忘老報國無期涕每傾敢爲  
衰殘便虛死誓先鄰曲事春耕

弊廬

弊廬雖陋甚鄙性頗所宜欲傾十許間坤覆實牛之確聲  
隔柴門續火出枳籬縛木爲筵坐附垣作雞埒黃犢放林  
莽蒼鵝戲陂池傭耕食于我客主同爨炊瓦盎設大杓菹  
竟羹園葵一飽荷鋤出作勞非所辭上以奉租賦下以及  
我私有錢卽沽酒阡陌恣遊嬉亦有扶持者婢跣奴髻椎

欲畫恨無人後世考此詩

園中作

誰采桄榔寄一枝北來萬里爲扶衰風光最愛初寒候懷  
抱殊勝未老時閒引微泉成曲澗盡除枯蔓補疎籬花前  
自笑童心在更伴羣兒竹馬嬉

夜四鼓睡覺起行簷間觀新作南籬

星斗闌干天宇清起披短褐繞廊行葉聲颯颯飛霜重籬  
影疎疎落月明少冷斷鴻長別浦風高殘漏下孤城衰遲  
自笑情猶在一首新詩取次成

客去追記坐間所言

征西幘罷幾經春歎息兒音尚帶秦每爲後生談舊事始  
知老子是陳人建隆乾德開王業溫洛榮河厭塵倚得



此生重少壯，臨危敢愛不貲身。

追憶征西懷中舊事

大散關頭北望秦，自期談笑掃塵收。身歿向農桑社，何

止明明兩世人。

小獵南山雪未消，繡旗斜卷玉驄騎。不如意事常千萬，空

想先鋒宿渭橋。

憶昨王師戍隴回，遺民日夜望行臺。不論夾道壺漿滿，洛

箭河魴次第來。在南鄭時關中將吏有獻此二物者

關輔遺民意可傷，蠟封三寸緝書黃。亦知法如秦，列

聖恩深不忍忘。關中將校密報事宜皆以蠟書至宣司

冬夜

颼颼黃葉欲辭枝，况著霜風抵死吹。投老難逢身健日，讀

書偏愛夜長時。孤村月白聞衣杵，破竈煙青煮芋糜。不是

用心希陋巷，為儒自合耐寒飢。

冬日

室中恰受一蒲團，也抵三千世界寬。上策莫如扃戶坐，苦

閒猶復取書看。蔬青飯軟枝梧老，窗白爐新準備寒。堪笑

此翁幽獨慣，却嫌兒女話團圓。

寒夕

夜扣銅壺徹旦吟，了無人會此時心。燈殘焰作孤螢小，火

冷灰如積雪深。風急江天無過雁，月明庭戶有疎砧。此身

畢竟歸何許，但憶藏舟黃蘗林。

辛酉冬至

今日日南至，吾門方寂然。家貧輕過節，身老怯增年。鄉俗謂喫



冬至飯即畢祭皆扶拜分盤獨早眠惟應探春夢已繞鏡湖邊

客至

何處軒車客能來桑麥村一奴先入市此老自磨門野果嘗皆澀村醅壓尚渾殘年亦何恨治世作黎元

冬夜讀史有感

短檠膏涸夜將殘感事懷人興未闌酌酒淺深須自度圍棋成敗有傷觀斷柶作飯終年飽大布裁袍稱意寬世上閒愁千萬斛不教一點上眉端

小飲梅花下作

脫巾莫歎髮成絲六十年間萬首詩予自年十七入學作詩今六十年得萬篇排日醉過梅落後通宵吟到雪殘時偶容後死寧非幸自

乞歸耕已恨遲青史滿前閒即讀幾人為我作著龜

箕

孟春百草靈古俗迎紫姑厨中取竹箕冒以婦帚襦豎子夾扶持插筆祝其書俄若有物憑對會不須臾豈必考中否一笑聊相娛詩章亦間作酒食隨所須興闌忽辭去誰能執其祛持箕畀窳婢棄筆臥牆隅几席亦已徹狼籍果與蔬紛紛竟何益人鬼均一愚

梅花絕句

幾年不到合江園說著當時已斷魂只有梅花知此恨相逢月底却無言

當年走馬錦城西曾為梅花醉似泥二十里中香不斷青羊宮到浣花溪



聞道梅花圻曉風雪堆遍滿四山中何方可化身千億一  
樹梅前一作花一放翁

小亭終日倚闌干樹樹梅花看到殘只怪此翁常謝客元  
來不是怕春寒

亂簾桐帽花如雪斜挂驢鞍酒滿盞若得丹青如顧陸憑  
渠畫我夜歸圖

紅梅過後到緗梅一種春風不並開造物無心還有意引  
教日日放翁來

送子龍赴吉州掾

我老汝遠行知汝非得已駕言當送汝揮涕不能止人誰  
樂離別坐貧至于此汝行犯胥濤次第過彭蠡波橫吞舟  
魚林嘯獨脚鬼野飯何店炊孤權何岸議判司比唐時猶

幸免笞箠庭參亦何辱負職乃可耻汝爲吉州吏但飲吉  
州水一錢亦分明誰能肆讒毀聚俸嫁阿僭擇士教元禮  
我食可自營勿用念甘旨衣穿聽露肘履破從見指出門  
雖被嘲歸舍却睡美益公名位重凜若喬嶽峙汝以通家  
故或許望燕几得見已足榮切勿有所啓又若楊誠齋清  
介世莫比一聞俗人言三日歸洗耳汝但聞起居餘事勿  
挂齒希周有世好敬叔乃鄉里豈惟能文辭實亦堅操履  
相從勉講學事業在積累仁義本何常蹈之則君子汝去  
三年歸我儻未卽歿江中有鯉魚頻寄書一紙

六日雲重有雪意獨酌

遍遊夔澤一漁舸盡歷風霜只緼袍天爲念貧偏與健人  
因見癩誤稱高地連海澨濤聲近雲冒山椒雪意豪偶得



名罇當痛飲涼州那得直蒲萄

舟中作

娥江西路石帆東身寄鷗波浩蕩中  
疊疊沙痕畱浦岸疎日影透漁篷  
詩人無復同盟在酒債何時一洗空  
已迫老年宜易感人生五十卽稱翁

晤語無人與遣愁出門聊復弄輕舟  
山穿煙雨參差出水赴陂塘散漫流  
隔葉雄雌鳴谷鳥傷林子母過吳牛  
數家清絕如圖畫炊黍何妨得小畱

湖村春興

桑柘相望雨露新桃源自隱不緣秦  
稻陂正滿初投種蠶子方生未忌人  
酒借鵝兒成淺色魚憑雲母作脩鱗  
賽神歸晚比鄰醉一笑猶關老子身

村居書事

藥物枝梧病漸蘇門前野老笑相呼  
春深水暖多魚婢雨足年豐少麥奴  
小飲盃盤隨事具閒行巷陌倩人扶  
題詩非復羌村句誰與丹青作畫圖

李伯時有畫月圖傳於世

題廬陵蕭彥毓秀才詩卷後

詩句雄豪易取名爾來閒淡獨蕭卿  
蘇州歿後風流絕幾許工夫學得成

法不孤生自古同癡人乃欲鏤虛空  
君詩妙處吾能識正在山程水驛中

示客

一點昏燈兩部蛙客來相對半甌茶  
典衣未贖身饒蟲治米無工飯有沙  
每爲采菱浮野艇時因賣藥宿山家  
青鞋



到處堪乘興不獨雲門與若耶

喜晴

葛衣初著喜新晴寂寂虛堂一榻橫  
乍坼孤花藏葉罅晚歸雙燕拂簾旌  
舞空不斷游絲直掠地還飛落絮輕  
剝欲倚闌尋好句清笳已復動高城

閒詠園中草木

剪刀葉畔戲魚回  
帳子花頭舞蝶來  
領畧年光屬閒客  
一樽自勸不須推

一樹山櫻鳥啄殘  
懸鈞半舍亦甘酸  
兒童采得爭來餉  
應念衰翁舌本乾

綠侵小徑暮衣艸  
青絡疎籬鬼帶藤  
未暇開編尋本艸  
且將名品問山僧

過鄰家

老病在臂蹠終日不喜動  
溪雲忽過前袖手以目送  
今晨光景佳霽色入鳥哢  
駕言出柴荆暫作湖山夢  
東村望鶴巢西阜過糶囑  
父老意欣然爲我撥春瓮  
豈惟澆舌燥亦用輒脚痛  
形骸去繩檢談笑得少縱  
吳蠶初上簇陂稻亦已種  
端午數日間更約同解纜

九月初作

九月都門凜欲霜  
羸軀恩免立鵷行  
紉書付吏騰初橐  
和藥呼兒對古方  
陋巷閉門常謝客  
高齋掃地獨焚香  
此生自計終何取  
似有山林一日長

實錄有初橐二橐

無客

今日了無客  
嗚然塵柄聞  
硯涵鴈鵠眼  
香斲鷓鴣斑  
木落



風初勁雲低雨尚慳西湖未暇到臥看曲屏山

懷故山

老怯京塵化素衣無端拋擲釣魚磯碧雲又見日將暮芳草不知人念歸萬事莫論羈枕夢一身方墮亂書圍岷山學士無消息空想燈前語入微

張季長秘閣久不得書

晚歸

無事經秋別鏡湖詩囊隨處累奚奴樓頭寒日低將盡陌上殘泥踏欲無軒冕豈容關喜慍篋瓢亦未費枝梧畫橋綠浦歸來晚一釭昏燈得自娛

題史院壁

白髮無餘鬢蒼顏失故丹旅遊多敗意大屋每饒寒出良霜侵褐歸寒日暖鞍若非時得句何以慰衰殘

苔甃平分路銅環半掩扉殘蕪寒不滅敗葉落還飛貴重何由塞愁生但念歸非無茅一把世事苦相違

寄題儒榮堂

朝散大夫徐夢莘著北盟錄上之除直學士之語因以名堂來求

賦詩

軍容基既廟謀疎尚記文登遣使初只道大功隨指顧至今種費鋤還朝不遣參麟筆萬直空聞上石渠剡辦

殺青君記取龍焚盡始成書

雜興十首以貧堅志士節病長高人情為韻

仕宦徧四方每出歸愈貧寒暑更質衣笑倒鄰里人今年作史官坐廢太倉陳無如思歸何日夜望絕麟區區牛馬走齷齪蝨臣恩深老不報肝膽空輪囷

孟子闢楊墨吾道方粲然韓愈排佛老不失聖所傳伐木



當伐根攻敵當攻堅坐視日月食孰探天地全一木信難  
恃要憂大厦頽安得孟韓輩出爲吾黨先

聖人固多能藝乃不以試嗟予少貧賤日月成坐棄矧今  
耄已及甘食而美睡道衰朋友散斯文寡將墜閉戶輒竟  
日孰與講仁智厭厭生意盡何暇議李志

少年喜結交患難謂可倚寧知事大謬親友化虎兕出仕  
五十年危不以讒死始畏囊中錐寧取道傍李老來多新  
知英彥終可喜豈以二三君遂疑天下士

替我遊廬山夜雨東林雪灰潑火正熟膏滅燈半滅童驚  
林虎過僧憊澗松折至今每追想可解肺肝熱那知蓬山  
夢忽繼此清絕殊勝蘇子卿餐瓊持漢節

觀人如觀玉拙眼喜譏評得失顧在人玉固非所病慶曆  
嘉祐間人才於斯盛王回僅一招石介棄不聘乃知天下  
士成敗各有命願君姑安之天定豈不勝

兩山如峨眉一水若車輞吾嘗廬其間百里臨蒼莽少年  
手藝木條榦日夜長啞啞駕獨轅迢遞搖兩槳平生會心  
地今乃寄夢想何時喚鄰翁煙水行布網

貨財不可居祿位不可饗我爾本一家何至臯闕鑿小夫  
謀人國紛紛日煎熬或謂性本惡或謂經無褒誤人方自  
此孰如飲醇醪清言亦自佳遺事非徒高

魯山粹而博韶美曠且真石渠東觀中久矣無若人飛仙  
驂鳳鸞豈久混世塵空餘文章在常與日月新我雖不足  
數疇咎忝交親尚想秋燈下對影欹幅巾

君子尚大節文甚惡不情魯連故可人用意終近名千載

陳山魯山劉儀  
鳳韶美



高天齊采薇忘其生周公述易象所以貴幽貞去聖雖已遠江左見淵明我讀飲酒詩朱紘有遺聲

謝韓實之直閣送燈

玉作華星綴絳繩樓臺交映算天澄東都父老今誰在腸斷當時諫浙燈

舊交年來不作疎華燈乃肯寄蝸廬寧知此老蕭條甚二尺檠前正讀書

歎老

鏡裏蕭蕭白髮新默思舊事似前身齒殘對客語可恥臂弱學書肥失真漸覺文辭乖律呂豈惟議論少精神平生師友凋零盡鼻壘揮斤未有人

冬曉

恩免宵典趁曉班養慵終覺媿吾顏浮名半世虛催老高臥何時復得閒兩岸夕陽漁浦市數峰寒靄沃洲山扁舟來往無窮樂此事天公豈所慳

有懷梁益舊遊

土堞纍纍雙復隻悠然殘夢對寒缸亂山落日葭萌驛古渡悲風桔栢江虎印雪泥餘過跡樹經野火有空腔四方行役男兒事常笑韓公賦下瀧

孤坐無聊每思江湖之適

世上元無第一籌此身只合臥滄洲  
榜搖漁浦蒼茫月帆帶松江浩蕩秋  
有酒人家皆可醉無僧山寺亦閑遊  
老來閱盡榮枯事萬變惟應一笑酬

子聿欲暫歸山陰見乃翁作惡遂不行贈以此詩



鐘鳴豈復夜行時。文字相娛賴此兒。欲去復留知汝孝。未  
言先泣歎吾衰。兩篇易象能忘老。百畝山畬可免飢。但報  
家僮多釀酒。一欄紅藥足歸期。明年春疏史院奏書必得

暇日弄筆戲書

草書學張顛。行書學楊風。平生江湖心。聊寄筆硯中。龍蛇  
入我腕。疋素忽已窮。餘勢尚隱轢。此興嗟誰同。

謝王子林判院惠詩編

王從楊廷秀甚久

文章有定價。議論有至公。我不如誠齋。此評天下同。王子  
江西秀。詩有誠齋風。今年入修門。軒軒若飛鴻。人言誠齋  
詩浩然與俱。東字字若長城。梯衝何由攻。我望已良之。謹  
避不欲逢。一日來叩門。錦囊出幾空。我欲與馳逐。未交力  
已窮。太息謂王子。諸人無此功。騎驢上瀟橋。買酒醉新豐。

知子定有人。豈必老鈍翁。

對酒作

美門安期何在哉。河流上拆崑崙開。白雲不與隱居老。孤  
鶴自下遼天來。春江風物正開美。綠浦潮平拖初起。算吹  
長笛發已陵曉。挂高帆渡湘水。世間萬變更故新。會當太  
息摩銅人。脫裘取酒籍芳草。與子共醉壺中春。

西湖春遊

靈隱前天竺後。鬼削神刻作巖岫。冷泉亭中一樽酒。一日  
可敵千年壽。清明後上巳前。千紅百紫爭妖妍。鼙鼓聲  
鞠場邊鞦韆一蹴如登仙。人生得意須年少。白髮龍鐘空  
自笑。君不見瀾亭耐事故。將軍醉尉怒訶如不聞。

局中春興



天知病眼困風沙，借與蓬山閣物華。  
微暝已迎新到燕，輕陰猶護欲殘花。  
幽窗寂寂書圍座，倦枕時時夢過家。  
立馬庭前還小駐，不妨閒試半甌茶。

春日絕句

吏來屢敗哦詩興，雨作常妨載酒行。  
忽見家家插楊柳，始知今日是清明。  
故園蛺蝶最多種，百草長時花亂開。  
窈巷春風元不到，一雙誰遣過牆來。  
桃李吹成九陌塵，客中又過一年春。  
餘寒漠漠城南路，只見鞦韆不見人。  
便恐東皇促駕回，小軒無事且噤盃。  
不知何處桃花落，一片飛從屋角來。

楊家園裏醉殘春，醉倩傍人拾墮君渠自是行人。

紅紫飄零不須數，東

東軒花時將過感懷

小軒風月得婆娑，盡付流年與嘯歌。  
細數一春今過半，正令百歲亦無多。  
還家常恐難全璧，此世深疑已爛柯。  
只欲閉門揩倦枕，晚風無奈落花何。  
社雨晴時燕子飛，園林何許覓芳菲。  
江山良是人誰在，天地無私春又歸。  
殘史有期成汗簡，吟門即日挂朝衣。  
人生念念皆堪悔，敢效淵明歎昨非。

與兒輩泛舟遊西湖一日間晴陰屢易

逢著園林卽款扉，酌泉驚筍欲忘歸。  
楊花正與人爭路，鳩語還催雨點衣。  
古寺題名那復在，後生識面自應稀。  
傷心



六十餘年事，雙塔依然在翠微。

得子聿到家山後書

日日春陰愁出戶，汝今恰遇十分晴。桑林紫椹纍纍熟，稻壟青秧漫漫平。夢好定知行路健，書來深慰倚門情。柯橋道上山如面，早晚歸舟聽勝聲。

春晚

新綠成陰小雨時，幅巾蕭散與閒宜。燕歸赴訴經年別，鶯晚分疏出谷遲。曉枕呼兒投宿酒，暮窗留客算殘棋。翛然此意風塵表，正恐羲皇未必知。

上章納祿恩，畀外祠，遂以五月初東歸

身似霜松老不枯，乞骸猶得侍清都。百錢濁酒渾家醉，六月飛絲徹曉無。美睡不愁聞客轡，靈龜自有小兒扶。買山

尚恐巢由笑，敢問君王覓鏡湖

羣玉峰頭孤夢斷，五雲溪上野舟回。傷人鷗鳥自然熟，到處藕花無數開。麥飯不饜常面槁，柴門閒掩自心灰。雨來正作盆山地，不怕冥冥半月梅。

此身惟有一躬耕，乞得餘年樂太平。東觀並遊收昨夢，西湖重到付來生。一堤草露明晨照，半浦荷風颭晚晴。歷歷歸途皆勝事，江亭先聽櫓歌聲。

初歸雜詠

雪滿漁蓑雨墊巾，超然無處不清真。胷中那可有一事，天下故應無兩人。騎馬每行秋棧路，喚船還渡暮江津。酒樓僧壁留詩徧，八十年來自在身。

小園五畝翦蓬蒿，便覺人間迹可逃。盡疏珍禽添爾雅，更



書香草續離騷藥苗可斲鴉長鑿黍酒新成壓小槽  
老入鵝行方徹悟一官何處不徒勞

乞得身歸且浩歌蕭然生世寄漁簑  
茶甘半日如新啜墨妙移時不再磨  
山寺蹋雲頻獨往鄰家穿竹自相過  
棊枰勝負能多少堪笑傷人說爛柯

遊山

古寺不來久入門空歎嗟僧亡猶見塢  
樹老已無花世事雖難料吾生固有涯  
慙慙一梳月十里伴還家

美睡

老來曾次掃崢嶸投枕神安氣亦平  
漫道布衾如鐵冷未妨鼻息自雷鳴  
天高斗柄闌干鏡露下雞啼  
膈脾聲俗念絕知無起處夢為孤鶴過青城

連陰欲雪排悶

先生經旬甑生塵蒸羹不污白氈巾  
魯連敢謂天下士摩詰要是山中人  
王維自稱山中人溪從灘瘦愈刻厲  
山自木落增嶙峋雲重惟愁雪欲作  
梅花忽報一枝春

晚歲幽興

殘年欲遂迫期頤追數朋儔死已遲  
卜塚治棺輸我快染鬚種齒笑人癡  
近聞有以補種齒為業者野梅墮  
蕊草生後街柳拂鞍水泮時滿眼  
雲山不須買剡傾新釀賦新詩

對食戲作

霜餘蔬甲淡中甜春近靈苗嫩不斂  
采掇歸來便堪煮半銖鹽酪不須添

春前臘後物華催時伴兒曹把酒盃  
蒸餅猶能十字裂餽



飽那得五般來

甲子立春前二日作

頭風初愈喜身輕，書卷時開覺眼明。  
養熟犬雞隨坐起，性靈烏鵲報陰晴。  
韭菘釘飯春盤好，芝朮葳和臘藥成。  
自笑衰殘殺風景，燈時不擬入重城。

鄰曲

濁酒聚鄰曲，偶來非宿期。  
拭盤堆連展，淮人以洗脯煮黎各麥餌  
和名豆腐，烏犢將新犢。  
青桑長嫩枝，豐年多樂事。  
相勸且伸眉。

初春書懷

數掩蘆藩竝水居，一家全似業樵漁。  
春寒例謝常來客，老病猶貪未見書。  
馴雀正緣拋食慣，芳蘭肯為碍門鉏。  
藥苗

滿鉢無人共，賴有溪僧為破除。

甫及春初日已長，偶同鄰曲集山房。  
囊盛古墨靴紋皺，護新茶帶胯方。  
老境不嫌來冉冉，流年直恐去堂堂。  
清泉冷浸疎梅蕊，共領人間第一香。

愚公不解幾安危，行盡人間惡路岐。  
難似車登隨退嶺，險如舟過馬當祠。  
平生憂患常難測，送老安閒敢自期。  
一事不成應有命，惟將知止報明時。

送子虞吳門之行

相送何由插羽翰，淡煙微雨暗江干。  
孤懷最怯新春別，病骨難禁昨夜寒。  
尊酒汝寧嫌魯薄，金羹翁自絮吳酸。  
此詩字字俱愁絕，忍淚成篇却怕看。

幽居春晚



雲歸出穴賞新晴酒買蘭亭散宿醒竹帶鞭移俄盛出鶴  
全窠買已長鳴故山雖媿收身晚外物元如脫髮輕只恐  
村鄰成間濶杖藜隨處叩柴荆  
老廢讐書病廢詩畫閒惟與睡相宜未尋內史流觴地又  
近龐公上塚時花發遊蜂喧院落筍長馴鹿入藩籬石蛇  
山下春如許野老來招不用辭

山行贈野叟

坐白衰翁住道邊突間猶喜續炊煙壁如龜策難占卜瓦  
似魚鱗不接連幼學及時見識字官租先衆吏無權與君  
俱長宣和日握手相看一悵然  
莫笑孤村生理微茆茨煙火自相依客來旋掃青苔榻日  
在先關白版扉婦女憂蚕租葉去兒童耘麥荷鋤婦散入

世襲江湖號剡欲溪頭借釣磯

六言雜興

失馬詎知非福亡羊不妨補牢病裏正須周易醉中却要  
離騷

舉足加劉公腹引手將孫郎鬚士氣日趨委靡賴有二君  
掃除

廣平作梅花賦少陵無海棠詩正自一時偶爾俗人乎地  
生疑

題旅舍壁

地廣風號水天高日脫雲村名步頭換縣界驛前分蒿艾  
春侵路雞豚莫識羣敲門就炊爨一飯敢忘君

春晚雨中作



冉冉流年不貸人東園青杏又嘗新方書無藥醫治老風  
雨何心斷送春樂事久歸孤枕夢酒痕空伴素衣塵良迷  
回首濤瀾惡賴有雲山著此身

枕上

病叟少安枕驚禽無穩棲慵占賈誼鵬空感祖生雞野勢  
風號北窗痕月過西元非破賊手只合架牛犁山中惟鳥  
鳴終夜雞  
三鳴後聞架犁則且矣

夏日

入戶桐陰漸覆牀乍敷笛簟北窗涼筇枝倚壁知身健衣  
焙殘香覺日長雨霽斷雲時聚散風來纖草久低昂蝶衣  
粉溼猶飛嬾小駐闌干就夕陽

久雨

梅天一日幾陰晴對酒無聊醉不成巧曆莫能知雨點  
桐那解寫溪聲林深鳥爵來無數艸茂鉏耨去卽生明日  
雲開天萬里御風吾欲過青城

復雨

催喚兒童埽綠苔長歌清嘯與悠哉林間子墮知梅熟水  
面痕生驗雨來往事已成孤枕夢故人誰共一尊開自憐  
未負年華在素扇團團月樣裁

門屋納涼

機裂齊紈如素月林敷蕲簟起微瀾行人遠不分眉目過  
鳥高猶響羽翰新長庭槐夾門綠無窮陂稻際天寬今年  
項里楊梅熟火齊驪珠已滿盤

午睡



梅黃雨足喜初晴投枕華胥夢已成帳底香雲凝未散手  
中書卷墮無聲簾紋似水飛蠅避鼻息如雷稚子驚癡腹  
便便竟何有已將嘲弄付諸生

游昭牛圖

游昭木石師李唐畫牛乃自其所長出欄切聽一聲笛意  
氣已無千頃荒客居京口老益困衣不揜脛鬚眉蒼時時  
弄筆眼力健臄角毛骨分毫芒我無沙堤金絡馬拂拭此  
幅喜欲狂乞骸幸蒙優詔許置身忽在煙林傍日落飲牛  
水滿塘夜半飯牛天雨霜但醫灌藥美水草老巫訶禁祓  
不祥願我孫子勤農桑願汝生犢筋脈強確聲驚破五更  
夢歲負玉粒輸官倉

出近村歸偶作

朝騎小蹇出煙村擁路爭看八十身似我猶爲一好漢  
君曾見幾閒人楊梅線紫開園晚蓴菜絲長入市新莫笑  
堅頑推不倒天教日日享常珍

書事

聞道輿圖次第還黃河依舊抱潼關會當小駐平戎帳饒  
益南亭看華山饒益寺南亭盡得秦華之勝

關中父老望王師想見壺漿滿路時寂寞西溪衰草裏斷  
碑猶有少陵詩華州西溪郡老杜所謂鄭縣亭子者

鴨綠桑乾盡漢天傳烽自合過祁連功名在子何殊我惟  
恨無人快著鞭

九天清蹕響春雷百萬貔貅扈駕回不獨雨師先灑道汴  
流滾滾入淮來



新涼示子適時子適將有臨安之行

竹簟紗厨事已非，秋清初換熟縑衣。鵲驚山月栖還起，螢避溪風墮又飛。老眼漸昏書嬾讀，壯心雖在事多違。夜窗剗欲挑燈語，日倚柴門望汝歸。

八月四日夜夢中作

太華巖巖敷水長，白驢依舊繫斜陽。山深乳洞藥爐冷，花發雲房醅瓮香。鄰叟一樽迎谷口，蠻童三髻拜溪傍。中原俯仰成今古，物外自閒人自忙。

明日復理夢中作意

白盡髭髯兩頰紅，頽然自以故名翁。客從謝事歸時散，詩到無人愛處工。高挂蒲帆上荳鶴，獨吹銅笛過垂虹。閒人浪跡由來事，那計猿驚蕙帳空。

又明日復作長句自規

大學淵源不易窮，古人立志自童蒙。醉猶溫克方成德，夢亦齋莊始見功。痛哭孰能悲陷溺，力行猶足變雕蟲。太空雲翳終當散，吾道常如日正中。

村居遣興

追數交朋略散亡，臂孱足蹇固其常。一年又見秋風至，孤夢潛隨夜漏長。不辨誦經如倚相，頗能噉飯勝張蒼。回看薄宦成何味，只借朝衫作戲場。

萬里征途興已闌，三間破屋住猶寬。山薑著雨房重斂，南燭先霜實半丹。野市秋陰更蕭瑟，書生老瘦轉酸寒。掩關也有消愁處，一卷騷經醉後看。

甲子秋八月偶息出遊往往累日不能歸或遠至傍



縣凡得絕句十有二首雜錄入彙中亦不復詮次也  
錄三首

早攜書劍三隨計晚辱弓旌四造朝心媿石帆山下叟一  
生不識浙江潮

奢囊藥笈每隨身問病求占日日新向道不能渠豈信隨  
宜醉答免違人

藥麤野老偏稱効詩淺山僧妄謂工懷齏裹茶來問訊不  
妨一笑寂寥中

遣舟迎子適因寄古風十四韻

今日拆汝書一讀眼爲明知汝即日歸明當遣舟迎想汝  
片帆東翩若飛鴻征薄暮過梅市咿謳雙櫓聲到家亦尚  
早城樓初發更草草一尊酒爲汝手自傾夜分不能寐頓  
忘衰病嬰豈惟病良已白頭黑絲生暫別亦不惡益重父  
子情自今日相守北窗同短檠六經燭久伏百氏方縱橫  
世俗攢孤學未易口舌爭此責在學者草萊勿自輕汝壯  
父未死相勉在力行

飯後偶題

環堵蕭然百慮忘天教得飯飢枯腸長橋鮓美桃花嫩北  
苑茶新帶勝方漠漠寒花欲晚照翩翩孤蝶弄秋光解衣  
捫腹西窗下賴有新詩破日長

感俗

行年三十憶南遊鷺駕滄溟萬斛舟常記早秋雷雨霽  
旂師指點

馬廐行遲自一奇溪山佳處看無遺酒壚強挽人同醉散



去何曾識是誰

負琴腰劍成三友，出蜀歸吳歷百城。最是客途愁絕處，巫

山廟下聽猿聲。

岳陽三伏正炎蒸，爽氣淒風見未曾。白浪蹴天樓欲動，當時恨不到黃陵。

送子坦赴鹽官縣市征

父子團樂笑語譁，豈知雲散各天涯。長亭結束秋將晚，別酒淒涼日易斜。我坐老年艱就養，汝非仰祿官離家。遊山尚有平生意，試為閒尋一鹿車。臘中欲作一小肩輿輕駛結實兩夫可舉者以備山行

寄子坦

目斷西陵細霧中，津亭想汝繫孤篷。頗憂昨草雲吞日，俗

黑雲接落日為風雨之候猶幸今朝雨壓風，就食亦知難戀戀。挂帆終恨太匆匆，塞沙不是無來雁。頻寄書歸問老翁。

書感

老荷寬恩許退耕，絲毫無報亦何情。民貧樂歲尚艱食，道喪異端方肆行。黨禍本從名輩出，弊端常向盛時生。古人骨冷青松下，誰起英魂與細評。

遣興

兔徑遊觀足，蝸廬臥起寬。垂名千古易，無媿寸心難。燈火娛清夜，風霜變早寒。一經家世事，吾與未應闌。

農舍

三農雖險亦悠忙，稼事何曾一夕忘。欲曬胡麻愁屢雨，未



神農之學未爲非，日夜勤勞備歲飢。雨農禾頭蒸耳出，潤  
憂麥粒化蛾飛。

萬錢近縣買黃犢，襍種行當東作時。堪笑江東王謝輩，唾  
壺塵尾事兒嬉。

杜門雖與世相違，未許人嘲作計非。長綆雲邊牽犢過，小  
舟月下載犁歸。

出遊

一樽隨處可開顏，此事深疑造物慳。地可登臨多恨遠，身  
常強健又須閒。山圍小市煙初斂，霜著橫林葉半殷。徙倚  
闌干君勿厭，日斜猶及棹舟還。

漁村酒市本無期，小蹇扁舟信所之。丹葉滿林霜落後，紫  
萍黏塊水枯時。山林閒寂歸雖早，齒髮衰殘病已遲。努力

及時謀自適，錦囊多貯算秋詩。

山有籃輿步有舟，放翁身健得閒遊。牛羊點點日將夕，蒲  
柳蕭蕭天正秋。細徑僧歸雲外寺，疎燈人語酒家樓。歸途  
更愛湖橋月，獨倚闌干爲小留。

風雨夜坐

寒風淒緊雨空濛，舍北新丹數葉楓。欹枕舊遊來眼底，掩  
書餘味在胸中。松明對影談玄客，檝火圍爐采藥翁。君看  
龜堂新境界，固應難與俗人同。

舟中曉賦

木落霜清水鳥呼，扁舟夜泊古城隅。吹殘畫角鐘初動，低  
盡寒空斗欲無。浪迹已同鷗境界，遠遊方羨雁程途。高檣  
健席從今始，遍歷三湘與五湖。



漁家

江上漁家水燕扉，閒雲片片傷舊磯。釣收鷺下虛舟立，橋斷僧尋別徑歸。海近同鄉多舊識，天寒霽雨正霏微。羊裘老作桐江叟，點檢初心幸未違。

感答

神女祠前猿夜鳴，相公溪上草初生。重遊惟有西窗夢，一點燈青夢不成。

白帝城邊鶯亂啼，憶騎瘦馬踏春泥。老來感舊多悽愴，孤夢時時到漢西。

小益晨裝雨作泥，南沮涉水馬長嘶。山腰細棧移新路，驛壁流塵闢舊題。

曾從征西十萬師，白頭回顧只成悲。雲深駱谷傳烽處，雪

密嶓山投獵時

心時失脚利名間，寸步何曾不險難。造物恐人渾忘却，夢中憂患尚如山。

客懷

客懷病息兩悽悽，瘦馬長韉濺雪泥。道左忽逢曾宿驛，壁間閒看舊留題。村醪酸薄陳山果，旅飯蕭條嚼凍齏。何處人間非夢境，恍然重到劔關西。

雜書幽居事

抱瓮窮園叟，還山老布衣。水邊常得活，關處偶容歸。釣恐魚吞餌，棋憂客墮機。此心君會否，洗盞百年非。庭曠多延月，齋空半貯雲。松聲行路共，泉脈近鄰分。采藥丸蒸曬，朝真三沐熏。林間有叢杞，繞屋夜猿啼。



探梅

歲月相尋豈有窮，早梅喚醒醉眠翁。坐中酒量人人別，花底春風處處同。白帝城邊微雪過，青衣江上夕陽紅。錦囊空復殘詩在，分付悲歡一夢中。

社飲

東作初占嗣歲宜，靈官又近乞靈時。傾家釀酒無遺力，倒社迎神盡及期。先醉後醒驚老健，路長足蹇歎歸遲。西村漸過新塘近，宿鳥歸飛已滿枝。

自近村歸

雪晴村路尚殘泥，茅屋清寒正要低。野渡船虛飛鳥集，煙村路近蹇驢嘶。堅頑那復愁空索，老健猶能伴架犁。蹴榻不僵君會否，更須百瓮享黃齋。

除夜

野水楓林屋數椽，寒爐無火坐無氈。殘燈耿耿愁孤影，小雪霏霏送舊年。椒酒辟瘟傾潑滌，藍袍侔鬼舞跼躄。從今供養春薺美，莫羨愚公日萬錢。

自開歲陰雨連日未止

江雲漠漠雨昏昏，歸老山陰學灌園。十里羊腸僅通路，三家鐮脚自成村。應時膊飢聊從俗，耐久鍾馗儼在門。近縣傳聞頗多盜，呼兒插棘補頽垣。俗有年膊飢之語，予貧甚，今歲遂不能易鍾馗。

枯菊

翠羽金錢夢已闌，空餘殘藥抱枝乾。紛紛輕薄隨流水，莫與桃花一樣看。

春雨



倚闌正是受斜陽，細雨霏霏渡野塘。本爲柳枝畱淺色，却教梅蕊洗幽香。小雷蝶粉初何惜，暫濕鶯聲亦未妨。造物無心寧徧物，憑誰閒與問東皇。

艸堂

幸有湖邊舊艸堂，敢煩地主築林塘。

辛幼安每欲爲築澗舍子辭之遂止

殘醅瓮葛巾溼，插遍野梅紗帽香。風緊病身那可敵，春閒

晝漏不勝長。浩歌陌上君無怪，世譜推原自楚狂。陸氏舊譜云本

出接輿後

賞花

湖上花光何處尋，朱朱白白自成林。衰年何預傷春事，閒客猶懷愛物心。欲墮每愁風驟起，正開却要日微陰。蘭亭禹廟平生事，一榼芳醪莫厭深。

小雨

小雨明復闇，餘寒去又來。新苔綠砌上，殘杏過籬開。垂老身餘幾，逢春心尚孩。江天近寒食，林外過輕雷。

算春

辛夷海棠俱作塵，鯊魚蓴菜亦嘗新。一聲布穀便無說，紅藥雖開不屬春。

春晚小飲

病臥書齋一味慵，今年春事又成空。籬龍奮迅風雷際，木筆凋零霧雨中。平野草深黃犢健，斷溪水長畫船通。小兒偶得官樓酒，蠶醪鱸乾一醉同。

初夏幽居雜賦

曲曲羊腸徑，疎疎鹿眼籬。渴蟬窺硯水，狂蝶入書帷。一枕



輕安夢數聯蕭散詩餘生已過足不必到期頤  
關地剪蓬蒿何曾歎作勞藥名尋本草蘭族驗離騷北澗  
穿籬過南山出屋高回頭看富貴何啻一秋毫

雨

家近蓬萊白玉京草堂東望不勝清初驚野色昏昏至已  
見波紋細細生殘醉頓消迎亂點微吟漸苦入寒聲只愁  
今夕虛簷滴又對青燈夢不成

龜堂初暑

淪漪一曲遠茆堂葛帳紗巾喜日長多事林鳩管晴雨依  
人海燕度炎涼深枝著子纍纍熟幽草照花冉冉香安得  
此時江海上與君袖手看人忙

初夏閒步村落間

薄雲韜日不成晴野水通池漸欲平綠萍忽低知鳥立青  
萍微動覺魚行醉遊放蕩初何適睡起逍遙未易名忽遇  
湖邊隱君子相攜一笑慰餘生

夜興

鬣毛飽受雪霜侵一榻蕭條寄故林簷雨滴回羈枕夢城  
笳喚起塞垣心平生耻露囊中穎垂老甘同爨下琴燈燼  
欲殘看瘦影不妨袖手坐愔愔

秋近

石榴萱草併成空又見牆陰莧葉紅茶醲頗妨千里夢簟  
涼初怯五更風新瓜落刃冰盤裏晚燕添巢西閣中身健  
流年供可樂故人自欠一尊同

秋懷



園丁傍架摘黃瓜，村女沿籬采碧花。城市尚餘三伏熱，秋  
光先到野人家。  
迢迢枕上望明河，帳薄簾疎奈冷何。不惜衣篝重換火，却  
緣微潤得香多。  
詩如水淡功差進，身似雲孤累轉輕。落葉擁籬門巷晚，  
一枝藤杖且閒行。

示子適

翁老兒窮不自支，此心幸與古人期。勞兼薪水奴初去，典  
到琴書事可知。藥杵無聲工忍病，米囤可埽耻言飢。餘年  
有幾須相守，萬里煙霄付異時。

小雨

赤日炎熇勢未回，川雲忽起亦佳哉。舟衝細雨橋陰出，蝶

弄微風草際來。樺柳不禁朝暮久，芙蓉猶有二三開。一年  
光景煩君看，何怪昆池有劫灰。

貧甚戲作絕句

處窮上策更誰如，日晏猶眠爲腹虛。飢則臥不起，尚闕鄰  
貧者之常也。僧分供米敢煩地主送園蔬。

貸米東村待不回，鉢盂過午未曾開。飢腸雷動尋常事，但  
誤生臺兩鵲來。

北窗孤坐破三更，庭戶無人有月明。數種袴襦秋未贖，羨  
他鄰巷搗衣聲。

糶米歸遲午未炊，家人竊閤乃翁飢。不知弄筆東窗下，正  
和淵明乞食詩。

秋夕



浴罷紗巾出草堂，一枝瘦杖倚梳榔。蟬吟古柳聲相續，月入幽扉影正方。頻約僧基秋漸健，稍增書課夜初長。亦知桑落宜蕩酒，太息何時辦一觴。

病中戲詠

八十行加二，清秋住故山。新涼足眠睡，舊疾害躄攀。雪白紛殘鬢，梳黃染病顏。疲牛臥斜日，羸馬噍枯菅。貧廢兒孫學，慈生僕妾頑。贖衣時已迫，貸米歲方難。鉢僧嘲薄盤，殮客笑慳從。合謝還往，惟有掩柴關。

秋光

小圃秋光潑眼來，老人憑几興悠哉。翩翩蝴蝶成雙過，兩兩蜀葵相背開。雨足疎籬引荒蔓，人稀幽徑長新苔。貧家竈冷炊煙晚，待得鄰翁賣菜回。

秋夜息南都軍中

五丈原頭刀斗聲，秋風又到亞夫營。管籥如埋劍，常息出今作閒雲。不計程，盛事何由觀北伐。後人誰可繼西平，眼昏不禁陳編得。挑盡殘燈不肖明。

幽興

蘭渚前頭湖水清，了無俗事敗幽情。雨淋茅屋隨時補，日射油窗特地明。庭樹晚鶯窺戶語，鄰園秋筍過籬生。芥菘漸美鹽醯足，誰供貧家一釜羹。

去雲僧房

八十衰翁有底忙，水邊山際亦佺佺。清溪橋斷舟橫岸，小塢梅殘雨漬香。數點青燈經野市，一爐軟火宿僧房。自嫌尚有人間意，却爲春寒怯夜長。



對酒

密篠持苦屋寒，盧用織簾。肩柴熟菴，東坡煮猪肉訣云淨洗鍋少著水柴頭不起菜豉初添。黃甲如盤大，紅丁似蜜甜。街頭桑葉落，相喚指青帘。

雨夜起行室中

老疾逢秋體自輕，披衣暫起繞牀行。隙風不斷燈將滅，簷雨如傾階欲平。鯁叟何嘗愁枕冷，病夫未免待窗明。拂書洗硯龜堂上，幽事誰知日有程。

閏月辛酉壬戌連日風雨癸亥早晴

殘雨在簷猶點滴，斷雲衝日正蒼涼。清愁偏向暮年覺，少睡不禁秋夜長。簾影漸生禽語樂，杵聲初動藥塵香。諸兒作吏俱安否，那得寒風至汝傍。予諸子伯叔季皆出仕

偶與客話峽中舊遊

我昔旅遊秋雨細，建平城東門欲閉。主人迎勞語蟬聯，小婦春炊編衣袂。長年三老半醉醒，蜀估峽商工算計。須臾燈闌人欲眠，泊船卸馱猶相繼。山淡水嶮近蠻獠，往往居民雜椎髻。即今屈指四十年，懷抱淒涼真隔世。

客中作

江天雨霽秋光老，野氣穿雲淨如掃。投空飛鳥雜落葉，極目斜陽襯衰草。平沙半渡人鵠立，長亭下馬障泥溼。累累紅果絡青篋，未霜先摘猶酸澀。客中雖云貪路程，買薪糴米常留行。茆簷獨坐待童僕，不聞人聲聞磴聲。

遊近村

行歷茶岡到藥園，却從釣瀨入樵村。半衰半健意蕭散，不



雨不晴天晏溫，暮蘋傷籬寒。引蔓菖蒲絡石瘦，生根參差燈火茅簷晚。童稚相呼正候門。

客從城中來

客從城中來，相視慘不悅。引杯撫長劍，慨歎滅我亦。爲悲憤共論，到明發。向來酣鬪時，人情願少歇。及今數十秋，復謂須歲月。諸將爾何心，安坐望旄節。

村興

結宇楓林下，久窮吾所安。村淡事自簡，累少食差寬。雨闌牛眠屋，泥深鴨浦關。呼兒擣粉餌，準擬賽鄰官。

秋晚書懷

頽然兀兀復騰騰，萬事惟除歎未曾。無奈喜歡閒弄水，不勝頑健遠尋僧。喚船野岸橫斜渡，問路雲山曲折登。却笑

吾兒多自在，夜分未滅讀書燈。

夢中作

繫馬朱橋上酒樓，樓前敷水拍堤流。春風又作無情計，滿路楊花靛雪球。

大慶橋頭春雨晴，行人馬上聽鶯聲。祥符西祀曾迎駕，惆悵無人說太平。

初冬絕句

鱸肥菰脆調羹美，麪熟油新作餅香。自古達人輕富貴，例緣鄉味憶遊鄉。

道途冬暖衣裘省，村落年豐鼓吹喧。下麥種麪無曠土，壓桑接果有新園。

卽事



雲起山心改，潮生浦面寬。寒鴉先雁到，烏相後楓丹。年邁  
孤裝帽，時新豆搗糲。非關嗜溫飽，更事耐悲歡。  
避居無外事，白日不勝長。詩爲窮差進，琴雖老未忘。映窗  
糕試墨，閉閣苦畱香。年少無相請，功名事更狂。

題詹仲信所藏米元暉雲山小幅

俗韻屯常一點無，開元以上立規模。鏡湖老監空揮淚，想

見楚江清曉圖。

徽宗見元暉楚江清曉圖大加賞歎

一棹朝南暮北風，奇峰倒影綠波中。定知漸近三山路，認  
得漁翁是放翁。

雜興

此身漂蕩等流槎，又向江村送歲華。急雨遇寒凝作雪，明  
燈無地結成花。座懸鏡古森毛髮，甌聚茶香爽齒牙。况是

貧家多樂事，阿開漸學手吒叉。

稽山行

稽山何巍巍，浙江水湯湯。千里亘大野，勾踐之所荒。春雨  
桑柘綠，秋風秫稻香。村村作蟹椴，處處起魚梁。陂放萬頭  
鴨，鵝覆千畦薑。春碓聲如雷，私債迫官倉。禹廟爭奉牲，蘭  
亭共流觴。空巷看競渡，倒社觀戲場。項里楊梅熟，采摘日  
夜忙。翠藍滿山路，不數荔枝筐。星馳入侯家，那惜黃金償。  
湖湖尊菜出，賣者環三鄉。何以共烹煮，鱸魚三尺長。芳鮮  
初上市，羊酪何足當。鏡湖滄衆水，自漢無旱蝗。重樓與曲  
檻，漱滌浮湖光。舟行以當車，小轍避新粧。淺坊小陌間，淡  
夜理絲簧。我老迷此詩，妄繼古樂章。恨無季札聽，大國風  
泱泱。



病後作

骨相坐一寒仕宦經百論晚入文昌省又坐煩言噴詔書  
復收召付以大典册期年甫奏篇皇恐亟自効歸來稽山  
下三食新穫麥草屨布帛襦徒步老阡陌今年疾屢作况  
若將歸客道士言犯土拜章安舍宅巫言神去幹剪紙招  
魂魄把臂忽自悟此豈屋漏脉盡去囊中藥默觀鼻端白  
正氣徐自還鬼子何足礙

道院雜興

征途暗盡舊貂裘歸臥林間喜自由體倦尚憑書引睡心  
安不假酒攻愁丹爐弄火經年熟竹院聽琴竟日留今日  
理鬚還一笑白閒時有黑絲抽

早歲知聞久已空端然猶有瀟城翁東樓誰記傾春碧

益古戎州也有東樓劇醜本  
名重碧范至能易為春碧  
與友人朱景參會嶺下僧  
舍時秋晚荔子獨晚紅在北嶺空息擘晚紅北嶺在  
州予少時  
燕中琳房何日金丹熟老鶴猶堪萬里風

山村經行因施藥

閒行偶復到山村父老遮留共一樽曩日見公孫未晬如  
今已解牧鷄豚

逆旅人家近野橋偶因秣蹇暫逍遙村翁不解讀本草爭  
就先生辨藥苗

歎老

身歷遘回事萬端天教林下養衰殘文編似是他人作書  
卷如曾隔世觀久已悠悠置恩怨况能一一記悲歡牀頭  
周易真良藥不是書生強自寬



戲遣老懷

平生碌碌本無奇，况是年垂九十時。  
阿囝略如郎罷老，穉孫能伴太翁嬉。  
花前騎竹強名馬，階下埋盆便作池。  
一笑不妨閒過日，歎衰憂死却成癡。  
舊襲家風號散人，晚承恩詔賜閒身。  
放狂泥酒都忘老，厚價收書不似貧。  
霜曉方驚羣木脫，春晴又喜一花新。  
先生偶出人難遇，陌上爭先看角巾。

新晴

夜雨空階滴到明，山雲忽斂作新晴。  
門前月淡有簷影，牆外泥乾無屐聲。  
與世日疎愁易遣，入春得暝疾差平。  
便當剡作滄洲趣，寄語沙鷗勿敗盟。

新歲

改歲鍾馗在，依然舊綠襦。  
老庖供餽餽，跛婢喚屠蘇。  
載糗送窮鬼，扶筇迎紫姑。  
兒童欺老曠，明燭聚呼盧。

新曆歎

新曆在手心怕開，日月連翩相續來。  
黃金散盡自一快，白髮不貸真可哀。  
無爲健羨廣成子，千二百歲終有歿。  
膠不可黏西去日，刀何由剪東流水。  
酒無醇醑但痛飲，市醢上尊俱醉耳。  
堂堂七尺死即休，不飽烏髡飽螻蟻。

東籬

漫道溪居畫掩關，東籬栽接不曾閒。  
每因清夢遊敷水，自覺前身隱華山。  
花發時時攜綠酒，客來往往羨朱顏。  
藥爐安著猶無地，擬展茆茨一兩間。  
東偏隙地作疎籬，遇興無非一笑時。  
陪客投壺新罰酒，與



兒鬪草又輸詩山桃溪杏栽俱活藥鏡漁竿動自隨家事  
猶令罷關白固應黜陟不曾知

村夜

入春雨雪無休日雨止猶陰未快晴萬竅怒號風不定半  
輪斜照月微明百年辛苦農桑業五處睽離父子情但得  
平安已爲幸孤燈殘火過三更

時子處調官行在子龍阻  
風西陵子修在關子坦在  
海昌子與子布子通守舍

夢中作

世事何由可控搏故山歸臥有餘歡淵泉見底藥根瘦石  
室生雲丹竈寒人遠忽聞清歌起山閣頗得異書看一朝  
出赴安期約萬里煙霄駕紫鸞

新晴

寂寂房櫺鳥雀聲與籠茶竈正施行繁花滿樹春纔半斜  
日穿雲雨乍晴引睡書橫猶在架圍棋客散但空枰病懷  
莫道傷幽獨小榼芳醪手自傾  
挂冠湖上遂吾初捫腹消搖適有餘羹煮野蔬元足味屋  
茨生草亦安居市墟分熟通賒酒鄰舍情淡許借驢更喜  
新晴滿窗日籤題重整一牀書

春日雜賦

羈懷病息正厭厭詩卷漁竿信手拈老境何嘗忘一笑春  
風也解到窮閭殘花滿地無餘萼新筍振泥已露尖轉老  
轉窮若勿笑熊蟠魚腹豈容兼

鬢毛八九已成霜此際逢春只自傷苦雨不容花抵敵餘  
寒猶懶酒禁當退紅衣焙熏香冷古錦詩囊覓句忙堪笑

欽定四庫全書



散人閒事業西窗容易又斜陽唐樂府云林上小巢籠詔州新退紅

江湖放浪水雲人藥物枝梧夢幻身移竹南窗初試筍掃

花北陌旋成塵窮忙自笑常終日老健猶能不負春未遂

初心惟一事乞薪除米惱吾鄰

乞得身歸剡曲邊衡門苟舍其蕭然向來誤計守書冊此

日遺愁無酒錢俗客妬閒來袞袞流年欺老去翩翩梨花

楊柳清明過且向江頭剩放顛

梅市暮歸三山

白日蠻童佩一壺壺乾時亦復村醅橫林露槍遠猶見暮

靄籠山淡欲無綠浦側憑蒸作界西燒常遣鸞前驅此身

元是滄浪客敢學高人乞鏡湖

春晚

村巷泥濘書掩門倚闌搔首一消魂花經風雨人方惜士

在江湖道更尊孽浪忽看魚對躍入雲時見鶴孤鶩向來

華渭今安在歎息誰能起九原

雜感

早仕讒銷骨遲疇悔噬臍短衣猶掩脛窮巷固多泥婢喜

蚕三幼鄉中謂蚕眠為幼奴貪雨一犁衡茆明我眼刮膜謝金篦

春晚晴還雨杯深醉復醒溪添牛箭綠山可一窗青藥品

隨長鏡花各記小屏閒身幸無事吟嘯送餘齡

雜題

半飽半飢窮境界知晴知雨病形容軒昂似鶴那求料枯

稿如僧不赴齋

大兒都門久栖栖小兒調官今復西鄰家父子我所羨泥



出遊婦鞍上口占

泖泖煙波飛藥去，迢迢野徑策驢還。寄懷楚水吳山外，得意唐詩晉帖間。每惜好春如我老，誰能長日伴人閒。世間自是無兼得，勛業元非造物慳。

雨

曉望橫斜映水亭，鼻看飄灑溼簾旌。不嫌平野蒼茫色，實厭空階點滴聲。上策莫如常熟睡，少安毋躁會當晴。且將稽事傳童稚，未補秧時正好耕。

初夏閒居

雲液初筍小，麝香風漪乍。展北窗涼，巢乾燕乳，蟲供哺。花過峰開，蜜滿房閑，戶不知春已去。鈔書但覺日方長，所嗟

詩息年來減，虛負奚奴古錦囊。

川雲漠漠雨冥冥，濁酒閒傾不滿瓶。蚕簇尚寒憂薄稻，稻陂初滿喜秧青。王師護塞方屯甲，親詔優民已放丁。病起自憐猶健在，不須求應少微星。

松棚黯黯接虛堂，埽地燒香旋置牀。密葉留花俱淺酌，斷雲障日作微涼。高城薄暮聞吹角，小市豐年有戲場。白首史官閒盡歲，祇將搜句會流光。

城上朱旗夏令初，溪頭綠水蘸菰蒲。花貪結子無遺萼，燕接飛蟲正哺雛。簫鼓賽蚕人盡醉，陂塘移稻客相呼。鄉中謂蒲

工者為客長安青蓋金羈馬，也有農家此樂無。  
翠茗清風兩腋生，西窗雅具愜幽情。熏衣過後篝爐冷，展卷終時嬾架橫。巢燕何曾擇貧富，鳴鳩元不為陰晴。但能



與物俱無著，小草新詩取次成。

野水楓林久寄家，慣將枯淡作生涯。小樓有月聽吹笛，深院無風看種茶。靜岸葛布穿薈蔚，閒拖筇杖入谿窠。平居每與兒孫說，切勿人前一語誇。

水邊茆屋兩三間，野叟幽人日往還。兩卷硬黃書老子，數峰破墨畫廬山。功名會上元須福，生死津頭正要頑。試說龜堂得力處，向來何啻半生閒。

煮酒青梅次第嘗，啼鶯乳燕占年光。蚕收戶戶繅絲白，麥熟村村搗麩香。民有袴襦知歲樂，亭無桴鼓喜時康。未嘗一事橫胸次，但曲吾肱夢自長。

子適調官得永平錢監待次甚遠寄詩寬其意蓋將與之偕行也

黃紙起家陞仕籍，青衫遡闕拜恩光。署衙汝勿憎銅臭，就養吾方喜飯香。世事極知多倚伏，人生正要小回翔。但令父子常相守，斂版扶犁味總長。

### 梅市

沙際人家半掩扉，僧炊小住不相違。水生溪面大魚躍，風定草頭雙蝶飛。竹院遊僧聞鼓集，煙畦老圃荷鋤歸。浩然物外真堪樂，回首浮生萬事非。

### 初夏幽居

日長巷陌曬絲香，雨霽郊原割麥忙。小擔過門嘗冷粉，微風解簾有新篔。傍籬鄰婦收魚笱，叩戶村醫送藥方。欲到湖邊還懶動，悠然扶杖立斜陽。

畫堂一幅接離巾，竹樹森疎夏令新。瓶竭重招麴道士，林



金南詩金  
三十一  
空新聘竹夫人，寒龜不食猶能壽。弊帚何施亦自珍，枕簟  
北窗寧有厭。小山終日對嶙峋。

野草幽花無歇時，一窗終日對東籬。病猶獨醉雖堪笑，老  
未全衰亦自奇。古紙硬黃臨晉帖，矮牋勻碧錄唐詩。箇中  
疑是忘憂處，問著山翁却不知。

東園梅熟杏初丹，老子披襟每不冠。古硯坡陀麝煤綠，小  
山蔥蒨石盆寒。移牀欲眠松塢鼓，榘還息泊蓼灘。未用  
絲毫辨差等，黃塵終勝客長安。

泛舟至近村茅徐兩舍勞以尊酒

小舸悠颺亦樂哉，迢迢故版北村回。山從樹外參差出水，  
自城陰曲折來。樂歲共忘東作苦，殘租不待急符催。舊鄰  
父老朕離久，取開顏把一盃。

### 林間書意

三三兩兩市船回，水際柴門尚未開。垂綠笳梢風正惡，弄  
黃梅子雨初來。紅螺盃小傾花露，紫玉池深貯麝煤。領取  
林間閒富貴，向來誤計伴鄒枚。

### 地僻

地僻臨湍瀨，門幽長綠苔。客書疑誤達，僧刺媿虛來。清露  
蘋花坼，斜陽燕子回。自憐猶有恨，佳日對空甃。

### 夏末野興

半世天涯倦遠遊，還鄉不減旅人愁。數聲相應鳩呼雨，一  
片初飛葉報秋。山塢風煙僧院路，河梁燈火酒家樓。絕知  
雪鬢宜簑笠，分付貂蟬與黑頭。

漠漠川雲闕復開，天公試手挽秋回。參差小市林邊出，縹



縹疎鐘雨外來，土壩飯香供晚餉。布帘字大賣新醅，歸舟自逐輕陽去，不用城笳抵死催。

劇暑

六月暑方劇，喘汗不支持。逃之顧無術，惟望樹影移。或謂當讀書，或勸把酒卮。或誇作字好，蕭然却炎曦。或欲溪上釣，或思竹間棋。亦有出下策，買簟傾家貲。赤脚蹋層冰，此計又絕癡。我獨謂不然，願子少置息。方今詔書下，淮汴方出師。黃旗立轅門，羽檄晝夜馳。大將先擐甲，三軍隨指揮。行伍未盡食，大將不言飢。渴不先飲水，驟不先告疲。吾儕獨安居，茂林蔭茆茨。脫巾濯寒泉，臥起從其私。于此尚畏熱，鬼神其可欺。坐客皆謂然，索紙遂成詩。使覺窗几間，颯颯清風吹。

縱遊潑山隨所遇記之

行穿犖确度谿谷，路跨清溪一木斜。歷盡艱危到平地，壞垣欹屋兩三家。山徑欹危細棧通，孤村小店夕陽紅。竹郎有廟臨江際，木客無家住菁中。道逢山客束荆薪，口眼睢盱略似人。試問村名瞠不語，割然長嘯上嶙峋。古寺蕭蕭不見僧，飛鼉滿屋老梟鳴。空房終夜無燈火，斷木支門睡到明。

池上

旋移吟榻竝池橫，欲出柴門復嬾行。樹籜忽明知月上，竹梢微動覺風生。貧無醉日惟堅忍，疾遇涼秋亦漸平。二尺



燈檠元好在，便思相伴聽蛩聲。

秋後一日風雨

炎歊數日劇，蕩滌及秋初。病葉風吹盡，鳴蟬雨打疎。趁涼謀社酒，藥潤理園蔬。分喜寧無處，蒲中鱖鱖魚。

秋思

詩人本自易悲傷，何況身更憂患場。烏鵲成橋秋又到，梧桐滴雨夜初涼。江南江北塚雙隻，燈暗燈明更短長。安得平生會心侶，一尊相屬送年光。

小病兩日而愈

病骨羸然山澤臞，故應行路笑形模。記書身大似柳子，忍事癭生如瓠壺。美酒得錢猶可致，高人折簡孰能呼。不如淨掃茅垞地，臥看微香起瓦爐。

龜堂一隅，開窗設榻，爲小憩之地。

併欄簷葛障斜陽，旋置臨階八尺牀。小展窗扉無大費，略加苫蓋有餘涼。老來愈覺歲時速，夢裏不知途路長。試問神遊向何處，月明揮榜上瀟湘。

秋懷

客息殘荷外，農功晚稻前。祭多巫得職，稅足吏無權。浦溆家家釣，村墟點點煙。歸舟葛衣薄，始覺是秋天。曩得治中俸，湖山偶卜居。身嘗著禾譜，兒解讀農書。遇事絕欣厭，接人均戚疎。乾坤雖浩浩，等付一蘧廬。秋暑雖猶在，晨興氣已清。蠻童掃荒徑，獠婢滌空鑪。病樹自凋葉，殘蟬無壯聲。書生守故態，已復理燈檠。

病臥



老境偏饒臥，秋天正苦晴。愁憑書解散，病仗藥支撐。果熟  
鳥烏樂，村溪鷄犬鳴。頭定何似，頗說募新兵。

秋夜獨坐聞田中風吹聲

收盡浮雲見素娥，青天一線映明河。時平里巷吹彈鬧，歲  
熟人家嫁娶多。高會不知清夜永，散歸想見醉顏酡。小窗  
燈火晶熒處，也有吟人畫之明歌。

自述

早畏危機避巧丸，且安未到意先關。心如老馬雖知路，身  
似鳴蛙不屬官。閒駕柴車無遠近，旋沽村酒半甜酸。羣兒  
何足勞情怨，胸次從初抵海寬。

秋興

困儲赤米枝梧飯，篋有青蠶准擬寒。政使堆金無處用，不

須常貯一錢看

白頭非美醜，齋熟頰尾魚鮮斫。餽成却對盤殮三太息，老  
年一飽費經營。

懲羹吹齋豈其非，亡羊請牢理所宜。白頭始訪金丹術，莫  
笑龜堂見事遲。

放翁老夫欲何之，采藥名山更不疑。但入剡中行百里，姓  
名顏狀有誰知。

鼙鼓華鯨響寺廊，殘蕪落葉弄秋光。寒驢繫著門前柳，閒  
見題名拂敗牆。

小築

小築隨高下，園池皆自然。鋤山得靈藥，斲坎遇寒泉。幽檻  
花房斂，淡林果蒂懸。鄰翁亦好事，相伴送流年。



寓興

窮巷無來客，秋風獨浩歌。壯年閒處老，佳日病中過。甚欲  
攜長鑿，仍息擁短蓑。逢山皆可隱，不必上三峩。

行飯至湖上

行飯消搖日有常，青鞋又到古祠傍。殘蕪滿路無多綠，落  
葉投空不待黃。只道詩書能發冢，豈知博簊亦亡羊。此身  
只合都無事，時向湖橋看戲場。

秋晚雨中作

新雁南來歲又殘，蕭蕭風雨暗江干。客疎似悉爾來病，酒  
薄不禁如許寒。草絡籬頭花尚碧，樹當浦口葉初丹。醉來  
且擁黃紬睡，莫問何時后土乾。

湖村

四十來居湖上村，翩翩七見改初元。風稍解舞竹齊母，露  
葉成陰桐有孫。渴鹿出林窺藥井，馴鷄掠水飭茶軒。老人  
不用誇頑健，時看孫曾浴盥盆。

曉寒

悠悠殘夢伴殘更，萬木無聲更六。鴉鳴欲闕聞井汲，月  
痕漸淺覺窗明。突煙瀟瀟碧瓦初動，衣結雅雅大邑生。小閣  
翻書裘褐暖，早朝霜滑瘦公卿。

湖門散策

結茅一處兩山左，石之橫木以為門。雲竹心，石籬本無  
別路客，門杜固不施。登塔壞莫補，石鑿生疎。野蔓不知  
名，其實何藥。桑村童，不訶吾亦愛吾兒。

十月

初南詩

...



紅樹平沙十月天，放翁今作水中仙。  
雙溪頭下釣船，世事極知吾有命。  
客入蓬輿汝無緣，菊花  
枯盡香猶在。又付東籬一醉眠。

記夢

久住人間豈自期，斷砧殘角兩凄悲。  
氣尚如年少時，絕塞但驚天。臥水說年不記壽成絲，此身  
死去詩猶在。未必無人處見知。

旅舍

寺鐘吹動四山昏，繫纜來投江上村。  
歸猶有漲痕存，爐紅手暖書差健。鼎沸湯深酒易溫，勿爲  
無年憂寇竊。狺狺小犬護柴門。

石堰村

木落山不蔽，水縮洲自巖。寒日晚更明，村巷曲折見。  
鳴機村童子，陳筆硯農家。雖苦貧，終勝異鄉縣。君看宦遊  
子，豈無墳墓戀。生死在故鄉，切勿慕秦傳。

幽居遣懷

習氣殘知要掃除，時時褊忿獨何歎。呼童不應自生火，待  
飯未來還讀書。世態詎堪閒處看，俗人自與我曹疎。作詩  
未必能傳後，要是幽懷得小摠。

貧述

寒生肌粟苦衣單，瘦減頭圍覺帽寬。  
空養老亦蔬餐，柴青龜突騰煙細。膏盡燈缸照字難，猶喜  
新醅二斗熟。半窗梅影助清歡。

日述



勃落爲衣隱薜蘿，掃空塵抱養天和。過期未久更強健，與世不諧猶嘯歌。野市蕭條殘葉滿，酒家零落廢壚多。石帆山下孤舟雨，借問君如此老何。

幽事

老大常愁節物摧，東皇又挽斗杓回。江天慘慘不成雪，山驛蕭蕭初見梅。隱士寄雲從地肺，遊僧問路上天台。戲書幽事無時闕，古錦詩囊莫算開。

山房

擾擾人間歲月移，山房幾度換茅茨。身遊與世相忘地，詩到令人不愛時。老鶴初來未丹頂，野松親種已虬枝。東塗西抹非無意，皴面朱鉛太不宜。

感舊

雕鞍送客雙流驛，銀燭看花萬里橋。三十三年真一夢，那簷寒雨夜蕭蕭。

禹祠

祠宇嵯峨接寶坊，扁舟又繫画橋傍。豈添滿筋蓴絲紫，蜜漬堆盤粉餌香。團扇賣時春漸晚，夾衣換後日初長。故人零落今何在，空弔顏垣墨數行。

見事

流光莫恨去骎駘，見事還疑勝昔年。細改新詩須枕上，少留劇飲待花前。陰陰竹塢安茶竈，淺淺蘋汀著釣船。物外家風吾豈敢，散人名號亦充員。

初春幽居

滿榼芳醪手自攜，波湖南北埭東西。茂林處處見松鼠，幽



圃時時聞竹鷄零落斷雲斜日霏微過雨未成泥老民  
不預人間事但喜農疇漸可犁

小築園林淺鑿池身閒隨事得遊嬉幽花折得露猶溼嘉  
木移來根不知小蝶弄晴飛不去珍禽喜靜語多時風光  
未忍輕拋擲聊付詩囊與酒卮

春遊

梅市移舟過古城此行亦未關逢迎負薪野老無妻子施  
藥山人隱姓名風雨偏宜宿茅店鹽醃不遣到藜羹宜和  
版籍今誰在似是天教樂太平

羸臥

羸臥將如老景何小園風月且婆娑茶因春困論交密酒  
爲家貧作態多馬上元無聽雞句原頭那有飯牛歌自憐

遠屏猶多事賣藥歸來買釣蓑

幽事

跌宕人間歲月遷賞心幽事故依然潮通支浦漁舟活露  
溼繁花醉帽偏才盡賦詩愁壓倒氣衰對奕怯饒先光陰  
風月空如昨悵望蘭亭被裊年

暮春新路至湖上示元敏

時雨作未成蒸溽思出門湖塘直東西行人各歸村翻翻  
鳥投林杳杳鐘鳴昏羊牛爭迳路煙火出短垣吾兒望未  
到誰與共盤飧幽獨多惻愴且復攜斯孫歸來蓬窗下聊  
可與晤言

春陰溪上小軒作

午醉初醒倚釣軒悠然無與其清言風微僅足吹花片雨



細纔能見水痕杳杳暝鐘浮遠浦離離煙樹識孤村故人  
萬里岷山下安得書來慰斷魂

比遣書問張季長消息於都下未報

自九里平水至雲門陶山歷龍瑞禹祠而歸凡四日  
細雨如絲映晚暉店家小憩換征衣春農耕罷負犁去村  
社祭餘懷肉歸黃犢自依殘照臥白鷗爭傍小灘飛道邊  
舊識凋零盡誰記遼天老令威

老子無心老尚狂山程隨處寄偃偃雲歸岫穴初收雨水  
入陂塘正下秧野客就林煨燕筍蠶家負籠采雞桑遠遊  
萬里如何樂却喜東歸住故鄉

老子山行宜遽回直穿犖确上崔嵬未誇脚力如平筓且  
喜眉頭得暫開廟後故梁龍化去山前遺箭鶴銜來囊錢  
已盡君無笑州州猶能把一杯

輿似雞栖寄兩竿山程三月尚春寒麥苗吐穗初成實梅  
子生仁已帶酸買飯猶勝乞墦客看耕僭學勸農官還家  
莫道虛懷袖筍蕨隨宜亦滿盤

點點桃花糝綠苔入門倚杖意悠哉數聲茶飯齋初散一  
片溪雲雨欲來老宿龍鍾嗟獨在高松磊砢憶新栽世間  
萬事俱難料未死重遊更幾回

### 春晚卽事

桑麻夾道蔽行人桃李隨風旋作塵煜煜紅燈迎婦擔  
繫繫畫鼓祭蚕神

龍骨車鳴水人塘雨來猶可望豐穰老農愛犢行泥緩幼  
婦憂蠶采葉忙

### 雜詠



鏡中顏狀年年改，海內交朋日日疎。一慟寢門生意盡，從今無復季長書。近聞張季長物故

女郎花樹新移種，官長梅園亦探租。作盡人間兒戲事，誰知空橐一錢無。鄉人謂楊梅止日梅官長其高品也

一日日窮窮不醒，一年年老老如期。黃河却有逢清日，白髮應無返黑時。

早至園中

湖上空濛雨熟梅，清晨岸幘一悠哉。幽花不恨草埋沒，密樹豈知禽去來。舊為愛茶分水器，近緣炊爨得琴材。小丘僅見山如髻，尚媿韓公八尺臺。

南堂晨坐

鏡湖清絕似瀟湘，晨起焚香坐草堂。日暖遊絲垂百尺，花殘新蜜釀千房。綠桑糝箔開蠶食，白水翻車澆稻秧。莫道村翁殺風景，也能沽酒會年光。

雨晴

早曠常思雨，沉陰却喜晴。放船蓮蕩遠，岸幘竹風清。淮浦戎初遜，興州盜甫平。為邦要持重，恐復議消兵。

秋晚雜興

皇起衆材，姓名曾得廁鄒枚。年踰八十猶除死，却半郊翁斲芋魁。

老病侵凌不可當，時時攬鏡自悲傷。西風吹散朝來酒，依舊衰顏似葉黃。

冷落秋風把酒杯，半酣直欲挽春回。今年菰菜嘗新晚，正與鱸魚一併來。



閒遊所至少 留得長句

垣屋參差桑竹繁，意行漫漫不知村。眼明可數遠山疊，足健直窮流水源。鶯引釣船經荻浦，牛隨牧笛入柴門。試尋高處休行李，清絕須入夢魂。

太平人物自諧嬉

青鞋布襪時丁壯，趁晴收早粟。比

鄰結伴絡新絲，周

坎迎神社大字翩翩賣酒旗。晤語

豈無黃叔度，嘗尋

幽徑過牛醫。

夏日雜詠

閒居自無客，况復有知焚。百折赴溪水，數峰當戶雲。幽尋窮鹿徑，靜釣雜鷗。昔愛南華語，今方踐所聞。

南堂雜興

新涼一夜入郊墟

巾爽有餘燕，欲委巢。雛盡去，有

三生鄰者及秋離方去盡扇猶在手，意先疎。題詩又滿牛腰束，采藥常

攜鴉觜鋤湖上從。今風月好，不妨隨處命籃輿。

奔走當年，志差歸休，別覺是生涯。茆簷喚客，家常飯，竹

院隨僧自在茶。

謂之初僧喚客茶各隨意多

禪欠徧參寧

得隨詩緣，獨學不名家。如今百事無能解，只擬清秋上釣

槎。

曉思

昏昏斷夢帶餘醒，取髮披衣坐待明。城角吹殘河漸隱，海氛消盡日初生。老長自得當年樂，癡子方爭後世名。莫怪明門常懶出，即今半蓋為誰傾。

秋雨書感

新春赤米摘青蔬，一飽從來不願餘。門外久無溫卷客，架



中寧有熱官書濁  
豈未廢時時歎短髮猶須日日梳自笑  
少年風味在滿川  
一燈雨正愁予

晨起開門雪滿簷  
木崗一徑得幽尋  
斷雲殘雨歲華晚丹  
實碧花秋意淡林  
下已悲身老病人  
間猶與俗浮沉  
小甕今朝熟又喚  
鄰翁共淺斟

秋思

桑竹成陰不見門  
十羊分路各歸村  
前山雨過雲無迹  
澗浦潮回岸有痕  
老子齋居罷擊鮮  
不盤竹筍每隨緣  
鄰僧不用分香鉢  
蓮芡猶堪過半年

秋日村舍

川雲慘慘欲成雨  
柏麥蒼蒼初覆土  
芋肥一水可專車  
蟹

壯雨整能敵虎村  
村婚嫁花  
方稼供賦租  
千年萬年報明土

秋感

扶杖龍鍾迫耄期  
江湖木落更堪悲  
醉中光景似得志  
夢裏朋儕如少時  
落筆龍蛇仲  
長詩前朝名勝凋  
零盡百歲  
心只自知  
聖世優容許乞身  
歸來猶幸  
食何施祝鯁人  
僚婢臨溪漂  
如此仍秋莫賴  
是從來慣處

紹興辛未至丙子六年

一時名士登高趁  
年憂患契濶何所  
不有追數同遊諸  
公乃無一人



在者而予猶強健。常不能已。賦詩識之。  
故里登高接雋遊。卽今不計幾番秋。一樽尚與菊花醉。萬  
事不禁江水流。薄命雖多公國老。逢時亦有至公侯。若論  
耄歲朱顏在。窮達皆當輸一籌。

老健

年垂九十身猶健。竹屋荆扉不厭低。挈盃自沽溪巷酒。  
衾遙聽別村雞。家添豚栅遺堪賦。路認牛欄每不迷。惟一  
窮秋開霽少。晚來小雨又成泥。

寓歎

交世非初志。謀生又絕疎。家貧息辟穀。人忌知書門。  
回軒巷葉無。秃尾驢。老頑。山事有樂除。  
短髮不禁搔。紆惹賴。滄浪。收溪瀨急木落寺樓高。善

餘何欠。看雲亦足豪。今朝有奇事。江浦得霜螯。

題僧菴

細路穿雲塢。危橋渡野塘。人稀土花碧。老瓦松長憂。患  
雙蓬鬢裝資。一布囊燒薪。餘暖今夜有新霜。

秋冬之交雜賦

嶺下晨炊黍。津頭暮繫。寒潮谷別浦。老木慘蒼煙。市徙  
新山步。耕浸古廟塢。間。不蓄憤。散髮醉江天。  
霧雨林塘晚。風霜聚落。衣冠存德。農圃備艱難。春籟  
適供。不。以作團。此心如古井。無地。起濤。

初歸

老境惟閉門。不與事物接。時逢佳山水。尚復快君。沙山程  
策小蹇水。泛搖短楫。今茲稅駕地。佳事草。疊雲生溼行



滕風細掠醉顏，旅羹芼玉糝。僧飯敷白麩，對火煨芋魁。瓦  
甌炊豆莢，經行出幽圃。懷抱頗自愜，枯籬絡丹實。澗堆  
黃葉白雲橫，谷口綠篠穿山脇。還家寧迫暮，取客羞徑捷。  
何當倚蒲龕，一坐十小劫。

霜夜

月淡霜清夜漏遲，疎鐘杳杳度南陂。燈殘有恨欲誰語，雞  
老無聲如我衰。使入蜀川方在道，書傳時方附蜀中便舟寄書張季長家又未得古壽書每浦定何時。若爲  
可遣閒愁得，獨擁寒爐爨豆其。

關懷

醉歌

不癡不聾不作翁，平生與世馬牛風。無才無德癡頑老，爾  
來對客惟稱好。相風使帆第一籌，隨風倒施更何憂。亦不  
求作佛，亦不願封侯。亦不須脫裘，去換酒。亦不須賣劍，來  
買牛。甲第從渠饜梁肉，貂裘本自出兜鍪。變理陰陽豈不  
好，纔得閒管晴雨如鴉鳩。辛苦築壘拂雲祠，不如吟歎風  
月登高樓。爾作楚舞吾齊謳，身安意適歎即休。

雪意

風吼江郊雪意濃，雲如兩陣決雌雄。山寒酒過平時量，窗  
黑書虧半日功。閒話更端茶竈熟，清詩分韻地爐紅。不須  
遽覓華胥路，更俟天花落坐中。

晚晴出行近村閒詠景物

雪雲吹盡木陰移，正是先生曳杖時。老特行將新長犢，空  
桑臥出寄生枝。醫翁算過囊探藥，筮叟晨占手布著。誰謂  
人間足憂患，未妨古俗自熙熙。



郊行

山色埽石黛，江流漲麴塵。春晴不終日，老病動經旬。竹密有啼鳥，村深多醉人。東阡與南陌，處處寄閒身。

開歲屢作雨不成，正月二十六日夜乃得雨，明日行。

家圃有賦

東風吹雨破天慳，行圃歸來剝解顏。百草吹香蝴蝶鬧，一溪漲綠鷺鷥閒。老來每歎論心少，貧甚方知覓醉難。猶賴籃輿無恙在，呼兒結束入南山。

園中晚飯示兒子

一飽何心慕萬鍾，小園父子自相從。虬蟬布陣雨將作，蛺蝶成團春已濃。澗底東薪供晚爨，街頭糴米續晨餐。莫恨無兼味，自饒荒畦摘菜蔬。

書况

自從請老鏡湖濱，萬事不關林下人。鴉去鴉歸還過日，花開花落又經春。官微也過千重浪，身在依然一幅巾。晨突有煙吾事了，濁醪不復惱比鄰。

魯墟舟中作

春浦南來元不到，西橋偶復入鷗羣。人家遠火林間見，船底微波枕上聞。山口正衙初出月，澗頭未散欲歸雲。錦囊詩草新寥落，得句猶堪寄一欣。

恩封渭南伯，唐詩人趙嘏為渭南尉，當時謂之趙渭南。

南後來將以予為陸渭南乎，戲作長句。

老向人間久倦遊，君恩乞與渭川秋。虛名定作陳驚坐，好句真慙趙倚樓。棧豆十年露病馬，煙波萬里著浮鷗。就封



他日輕裘去應過三峰處處留

幽居

宿志在人外，清心遊物初。猶輕天上福，那習世間書。薺菜  
挑供麩，槐芽采作菹。朝晡兩摩腹，未可笑幽居。

海棠歌

我初入蜀鬢未霜，南充樊亭看海棠。當時已謂目未覩，豈  
知更有碧雞坊。碧雞海棠天下絕，枝枝似染猩猩血。蜀姬  
豔粧肯讓入，花前頓覺無顏色。扁舟東下八千里，桃李真  
成僕奴爾。若使海棠根可移，揚州芍藥應羞死。風雨春殘  
杜鵑哭，夜夜寒衾余夢還。蜀何從乞得不死方，更看千年未  
爲足。

湖上

鷗中羽扇影翩翩，湖上徜徉莫計年。桃李已忘疇昔分，禽  
魚猶結後來緣。山前虛市初多筍，江外人家不禁煙。莫恨  
幽情無與共，一雙白鷺導吾前。

初夏書感

春與人俱老，花隨夢已空。遊蜂黏落蕊，輕燕接飛蟲。桑梓  
知蚕起，牲肥賽麥豐。爲農當自力，相戒勿怱怱。

初夏喜事

箕穎元非爭奪場，瀟湘自古水雲鄉。采茶歌裏春光老，煮  
繭香中夏景長。斂版早知遊宦惡，署門晚悟世情常。茹芝  
却粒雖無術，散髮猶當效楚狂。

閒遊

好事湖邊賣酒家，杖頭錢盡慣曾賒。爐邊爛醉眠經日，開



過紅薇一架花

初夏雜興

終日頽然蠹簡中，門前煙水浩無窮。百年等是一枯塚，四海應無兩放翁。菜玉長枝挑苦筍，胭脂小把翦防風。地偏日永閒無事，擬著珍蔬譜一通。

書興

占得溪山下數椽，飽經世故豈猶全。入門明月真堪友，滿榻清風不用錢。便歿也勝千百輩，少留更過二三年。湖橋有酒能來醉，一棹何妨作水仙。

池亭夏書

造物寧非念老生，池亭幽事悉施行。羣魚聚散忽無迹，孤蝶去來如有情。小磴落茶紛雪片，寒泉得火作松聲。曲肱

假寐翛然寤，不爲敲門夢不成。

卽事

放翁老去未忘情，鏡裏森然白髮生。一片常愁見花落，三聲最怕聽猿鳴。年年雙隻路齒喉，夜夜短長城上更。晚悟一條差似可，孤舟漁火看潮平。

野性

野性從來與世疎，俗塵自不到吾廬。醉中往往得新句，夢裏時時見異書。釋子那偷服藥酒，家僮尚護放生魚。今朝更有欣然處，引得清泉灌晚蔬。

讀史

王侯到底是虛名，何物能爲我重輕。徒步出關胡不可，向來常笑棄繻生。



自古功名亦偶諧，胸中要使浩無涯。可憐赫赫丹陽尹，數顆檳榔尚繫懷。

病戒

憂身如憂國，畏病如畏亂。此身雖幸健，敢作無事看。禍福在呼吸，恐懼兼寢飯。人所忽不省，我患嘗熟爛。夜臥不安席，晨起寧待旦。雖云親藥石，得失每參半。人情喜一快，往往觸剽悍。收功寧使遲，覆敗不可玩。

小築

小築竝湖隄，茅茨不厭低。引泉澆藥圃，斫竹樹雞棲。夕靄山常淡，秋蕪路欲迷。平生章亥手，老去學鉏犁。

欲雨

徙穴中庭蟻爭巢，後圃鳩物情猶慮患。人事得忘憂。

笑作計日益，左正似鳩拙。巢不及，蚕自裹霜寒。衣未贖，瑟縮附殘火。作詩數十年，所得良鎖鎖。弱松困蔓纏，何日見磊砢。洞庭可遠遊，秋風息熱施。

獨坐

博山香霧散，翻翻袖手何妨靜。掩扉六十年前故人盡。紹興中往還朋舊今乃無一人在八千里外寄書稀。自張季長下世絕昨朝送客桐江去，今日逢僧剡縣歸。欲作小詩還復嬾，海鷗與我兩忘機。

初冬雜詠

重陽已過二十日，殘菊纔存三四枝。對酒插花君勿笑，從來不解入時宜。古壽書來言得婿，東陽人到報生孫。一家三處俱強健，且



撥閒愁近酒尊  
微風颺水靴文浪薄日烘雲卵色天但恨世間閒客少江  
湖底處欠漁船  
老去胸中百事真同遊無復白頭新鶻從熟後頻分食鹿  
漸馴來不避人

小江

出郭四十里孟冬天尚和風生帆力健木落月明多小市  
人聲散長橋炬火過吾生幾來往撫枕獨悲歌

短歌行

富貴得意如登天自計一跌理不全晝食忘味夜費眠渠  
過一日如一年春蚕得衣畊得食農功初成各休息賣酒  
壚邊紛鼓笛我過一年如一日二者兼勢安可與我周

旋寧作我春城桃李豈不妍雪澗未妨松磊砢人生禍福  
難遽論廟犧烏得爲孤豚君不見獵徒父子牽黃犬歲歲  
秋風上蔡門

冬日排悶

地爐微火伴寒灰坐野江雲暝不開欲唾手中書自墮半  
酣窗外雪初來渡頭照影聞征雁籬角吹香得早梅佛粥  
春盤俱不遠離離斗柄欲東回

湖山尋梅

鏡湖渺渺煙波白不與人間通地脉騎龍古仙絕火食慣  
伴空山落木雪東皇高之置度外正似人中巢許輩萬木  
僵死我獨存本來長生非返魂

小雪湖上尋梅時短帽亂插皆繁枝路人看者竊相語此



老胸中常有詩歸來青燈耿窗扉心鏡忽入造化機墨池  
水淺筆鋒燥笑拂吳箋作飛草

讀唐人愁詩戲作

少時喚愁作底物老境方知世有愁忘盡世間愁故在和  
身忘却始應休

清愁自是詩中料向使無愁可得詩不屬僧窗孤宿夜即  
還山驛旅遊時

書歎

尺椽不改結茅初薄粥猶難卒歲儲  
鴉子解迎門外客狸奴知護案間書  
淡林閒數新添筍小沼時觀舊放魚  
自笑從來徒步慣歸休枉道是懸車

晚步湖隄

絕裘桐帽野人裝又上湖隄步夕陽  
貧甚不爲明日計興來猶作去年狂  
殘樽倒酒無餘潏幽圃尋梅認暗香  
時有行人歎頑健黑絲點破頰間霜

春日雜興

小甌有米可續炊紙鳶竹馬看兒嬉  
但得官清莫不橫即是村中歌舞時  
出仕常騎秃尾驢歸休自駕折轅車  
今朝偶遇村夫子借得齊民一卷書  
更事多來見物情世間常恨太忙生  
花裏尋歡空爲晚日出遲遲却是晴  
四十餘年學養生誰知所得亦平平  
體兵不犯寒時出路溼常尋乾處行



覺睡禽聲曉，傷簷泥人花氣。午穿簾，倦情老去年年。薄困  
息春來，日日添。

算春龜堂卽事

風日初和，晝漏長，蕭然巾履集。茆堂。雨餘千巖，真山綠花  
落一溪春水香。斷簡橫中塵委積，故土草荒涼。爾來  
幸有寬懷處，病退牀頭減藥囊。  
日月無根去若馳，故園又見落花時。盃中綠酒不宜飲，鏡  
裏蒼顏應自知。千丈新堤湖水滿，五更殘漏角聲悲。算年  
父子難乖隔，淮浦書來苦覺遲。

殘年

殘年光景易駸駸，屏迹江村不厭深。新麥熟時蚕上簇，晚  
鶯啼處柳成陰。短檠已負觀書眼，孤劍空懷許國心。惟有

雲山差可樂，杖藜誰與伴幽尋。

閒詠

蕭蕭華髮映烏巾，五十年前故史臣。正使老來無老伴，未  
妨閒處作閒人。按行池水知增耗，點檢庭花見故新。更有  
蒼中策勛事，投牀鼻息聒比鄰。  
事業無聞負聖時，滄波自照角巾欹。養成林下無窮蠟，占  
盡人間徹底癡。小麥繞村苗鬱鬱，柔桑滿陌椹纍纍。醫翁  
笑叟真堪友，搜索殘尊與共持。

初夏

新綠陰中燕子飛，數家煙火自相依。童誇曠健浮溪過，婦  
閨蚕飢負葉歸。地煖小畦花未長，泥融幽徑藥苗肥。郊居  
樂事何勝數，一醉旗亭又典衣。



山房

柴門不掩俗人稀，成就山房一段奇。  
木葉最宜新雨後，鳥聲更勝暮春時。  
家貧屢罄緣耽酒，宿習猶存爲愛詩。  
別有一條差自慰，木苗芎苗正離離。

窗下戲詠

飛來山鳥語惺惚，却是幽人半睡中。  
新竹成陰無彈射，不妨同向北窗風。  
三尺清池鏡面平，剪刀葉底戲魚行。  
吾曹安得如渠樂，俯渚跳波過此生。  
何處輕黃雙小蝶，翩翩與我共徘徊。  
綠陰芳草佳風月，不是花時也解來。

病中雜咏

身是人間一老樵，城南烟水寄迢迢。  
尋人偶到金家峻，取米時經杜浦橋。  
小市孤村鷄喔喔，斷山幽谷雨蕭蕭。  
吾曹自養無能爾，楚客應無隱可招。  
身似頭陀不出家，杜陵歸老有桑麻。  
茶煎小鼎初翻浪，燈應寒窗自結花。  
殘藥漸離愁境界，亂書重理淡生涯。  
等閒一事還超俗，斷紙題詩字亂斜。

示兒

死去元知萬事空，但悲不見九州同。  
王師北定中原日，家祭無忘告乃翁。



萬事空可悲不見此世同王相其家中日寒

示兒

一專影疏谷澗輝殿荷宇清

蕪寒窗自語芬英藥漸熟愁覺界滿青重野對中戰等閒

良山更別不出宋林刻親若百桑根茶煎小出既歸所登

自養無銷爾焚香惠無別下出

米部辭林那舞小市將林義望聖德山幽谷雨蕭蕭吾曹

良景八留一孝熱姓南歐水寄亞亞靈八四陸金家變邓



